

有正味齋全集

和
895
8



有正味齋駢體文卷十九

有正味齋駢體文卷十九



錢塘 吳錫麒 聖徵

徵啟

徵陳母黃太君貞節詩啟

夫拊含貞之木而感漆室之女悲履懷清之臺而嗟丹穴之人
智當其三辰莫告一死靡它塋篋之曲難終菴蔬之心獨苦豈
不身拚化石志決靡筭而遐稽鍾萬之徽尤尙從容之節者誠
以純鉤之劍經灌辟而後成歎冬之華閱冰霜而斯耀也然而
青陵結恨生本同功黃鵠興歌哀惟早寡皆始盈而終昃亦先
笑而後號未有裁就嫁衣便成怨蝶聘來玉鏡但照孤鸞守白
璧之無瑕以紅顏而赴義下姑嫜之拜身未分明憑夫壻之棺
容難髮髯如陳母黃太君者尤栢舟之特操壺史所僅聞也已

方其玉勝發祥金梭流彩稟柔嘉而表度崇芬惠以翔聲證明
月之前身修成雪魄對梅花之古樹照出冰姿靜女其姝善心
爲窈有美離瑜之色何愆坤扇之緣見佚女於有娥鳩媒來告
得公子如敬仲鳳卜宜諧果使歌白紵以成雙結綦巾而偕老
嘉耦曰配抑又何嗟無如房中之曲未調天上之棺已下綵雲
易散錦暗天孫玉樹先埋風淒少女時也迢迢綺閣窈窕蘭閨
紅墻方隔乎彼河白蜺胡嬰乎我室龍涎不熱心字灰寒鴛思
都非針神巧盡不信管魂之失俄傳消息之來身視銖輕腸幾
寸斷堅石爛海枯之誓易惡筭髮髻而臨良席未親空剩游仙
之枕女牀纔下卽是望夫之山嗚呼痛哉况復盤匱莫繼塵甑
炊難堂構誰承楹書蠹易口銜碑而安語袖倚竹而逾寒喪子
喪子慟所天之不見類我類我慰在地其何時於是辛苦牽蘿

支離恤緯以婦代子體循咳之歡將姪作兒勉折奠之教每當
荒雞鳴且新雁啼涼晝荻無聲留燈有影魄鍊嫫媧之石淚傾
鮫女之珠雖小姑無郎嬰兒不嫁無斯笑獨莫喻隱憂迨至霜
節彌高共仰凌霄之竹書香不沫漸馨入室之蘭獨爾絲長單
鳧調遠然後知誼臣許國早定乎委贄之先也烈士殉身轉出
乎存孤之下也今者大吏重輜軒之采

朝廷隆褒錫之恩降雨澤於

九乾勵風微於萬古

綸煥日棹楔標雲節以離明兌將坤應松柏壯三冬之色梅
檀飛四遠之香回憶苦悶茶心勞經棘手紡車如故紙帳依然
而精衛矢誠終銜平壽木荏華紀美永勒爲貞珉不亦榮乎斯
可述已所願儒林學士文籍先生憫悴葉於枯桐鑒傷心於獨

有宋齊梁陳書卷十九
活各噓烟墨同振詞葩或采錯乎十華或源傾乎三峽庶使青
燈夙志闡發於文人黃絹新辭章明乎幼婦灑仙毫之五色齊
花慈雲補女史之一編繼聲宵雅

徵張琴溪六十壽言啟

夫麥邱之祝邀禮於齊廷公堂之躋播聲於函雅乃至比齡旗
翼等算蒿衡固知介壽以言其來古已然而大年可致非假乎
游仙餘慶有徵要推之積善欲藉稱觴之助當求撫實之詞亮
金心之勿渝幸玉體之自愛以祈難老如說平生故可樂也維
我琴溪先生羈貫夙成神明特異具絕人之識星本連天擅博
物之名圖能畫地其燭事也爛爛若王戎之電其植身也森森
如和嶠之松懷光暢幽修德獲報於今年八月爲先生六十壽
辰玉捧蟾盤金霏廚粟天上之霓裳未舞人間之綵筆先催啟

劾引嗶用資潤色蔡先生生於邗上家本秦川三世寓公一門
清望令叔秋子松坪兩前輩聯裾蕊榜接翅木天棠棣之碑可
刊於蓬觀驄馬之諺復起於蘭臺並能無慕崇階早遂初服尊
甫一齋先生推姜肱之布被啟樊重之廣居不出戶庭友於兄
弟聽東齋之雨有約連床遇西陵之風無勞佇楫故先生得以
陳觴月候奉饌花餘敬修婉婉之容親習怡怡之樂此承家之
可述也內行無間於人言陰德自鳴於己耳季野四時之氣獨
受春多叔度千頃之波交推量勝每以如苴警慮眠姪箴心惠
及宗支逮於親串九族仰同功之火四方賴續命之田所以匡
困資無揀羸匱死者其心無弗摯也其願無弗償也畫虎尾春
冰之館閱歷滋深望廉泉讓水之鄉徘徊未已此制行之可述
也枕蓀之富旣積之等身研索之精更劬於焯掌故其補博士

弟子也凡歷三試輒冠一軍黃童爲江夏無雙紀瞻乃秀才第
一方將泣强臺之牛耳馳弱水之羽車而乾蔭遠領家督靡委
移心積著之計有事羽鳩之司然且擁黃卷若百城視青氊爲
故物聚寧揮架好甚臨池涓辰練日以陳經引水抽絲而結字
過丹鉛於手裏善比春明戀滋味於兒時勤逾冬學此篤志之
可述也紅橋佳勝名園纏連每遇

時巡恒駐

清蹕先生謂獻曝木野人之禮傾陽亦小草之心是用五畝旁
規一區廣闢功成不自景取長春烟非烟而瑞靄流雨其雨而
飛泉激得以寵邀

宸盼光借

天題至今露染槐眉霞疑松棟清輝被於林澹異藻溢於巖阿

復曰

萬壽祝釐

重恩優錫

絲綸之賁墨荷乎

龍光擊帶之榮有加於鷄序此

恩遇之可述也古有望塵請友置驛通賓著投轄之錄修見客
之譜者大抵侈言縞紵之盛無益文字之資先生則遠曾真而
移床避元規而障扇自以早櫻世務有間方聞凡遇澄覽博映
之儒浴素陶元之侶鑽光燈而散裘緩春帶以命觴莫不契結
苔岑愛均松柏良友相對今日何減子期美人不來明月輒思
元度此善交之可述也夫人李氏珩璜薦響苻藻流微高致穆
其清風勞心警其昧且河魴河鯉知大國之女宗佩韋佩弦授

高堂之母誠令嗣君銘膺戊午鄉薦今官刑部主政諸子各標
秀異並極崢嶸犀角麟鬪於眼中鳳毛斐尾於池上宋延清能
得一絕遂妙文詞邱希範纔及八齡已同氣骨金桃屬對玉樹
蜚聲槐蔭方濃桐孫又長此積慶之可述也僕欽遲已久契闊
茲多幸賢子之過從每令音之來告數騷人初度之歲最喜逢
庚詠君子偕老之章恰符周甲而况家有傳學代不墮僚福祿
集於一身期頤卜之後日自宜廣其稱述播爲聲歌附西流之
魚錦緘可達奏南飛之鶴銅笛須吹詩云俾臧俾嘉記稱善頌
善禱夫惟大雅跂予望之已

王述庵先生八十生日徵詩啟

聞之昔矣有歲誦五經衣冠必謹手鈔千卷黃墨無疲者是惟
禮副常珍年臻大耋而能希心理味回志元祺遂得播美於齒

筵饌奇於觚牘何況道熙邦采則炳其文謨職預戎旃則奮其
武怒身陟乎九州之八名兼乎不朽之三乃開逸老之堂尤劬
鉛摘返履道之里彌敦古歡如我述菴先生者在福則沖得天
獨厚一旦介駱人之初度進麥邱之祝詞躋堂皆問字之人俱
爵牛執經之彥豈有夙承芻采雅荷桐裁而不樂爲先騶之引
墮禮佛之唱導者乎先生槐承舊澤蘭啟新徵燈盞四聲早辨
於脫襪月令數紙可試之在髻固已隅解反三卷知破萬及夫
邳張壇坫標舉風騷陳芳國中獨探麟篆大羅天上同詠霓裳
氣五色而凌雲筆一枝而畫日驚其偉論療劉子之膏肓投以
英篇焚君苗之筆硯可不謂文成翻水業重藏山者哉論者以
先生淳道載凝嘉猷允輯似當推尊元本鑽仰高深烟墨所棲
無資貲飾不知先生之學問德性之符也先生之文章經濟之

實也細而名物象數畢貫於其中大而風土山川兼包乎其內
用敢詳參往載觀縷生平少竭愚衷以供博採乃若紫荷奉藥
青瑣鳴珂人但知却公事之金秘温室之樹而先生高掌遠矚
風舉雲搖有文陣雄帥之稱無鳳閣舍人之樣粲花著論摘葉
成詞兩省迴翔

九重嗟賞廬陵爲名士之首益公真掌制之才比周昇逸之居
中廿年爲少論王舉之之選士四入非多使仰承 清禁之絲
綸常作

熙朝之黼黻不誠盛哉然而騏驥在御非道遠則莫顯其材松
柏有心不歲寒則莫呈其操而乃歲星小謫之日正時雨興師
之時令狐桂管之徵先登秦牘李渥河東之辟本奉詔書於是
波路飛帆山郵躍馬逐猿啼於楚雨追烏夢於黔雲苦竹斑多

奇楓黑易微茫墮影峭禱生胸寫懷於伏波廟邊弔古於碧雞
祠下念前程之荒忽感周道之透遲離騷之趣竊以深小雅之
心婉而曲也旣而遠陵炎微僻極夷陬越銅壁之關渡大金之
江地號紅洲山名火焰瘴雲撲地蠶氣噓天腥毒所蒸蛇綠如
樹磔格而語烏蠻于人疑太古所未開竟全軍之架入每當大
旗日落橫角風高警檄方催飛章又接墨磨盾鼻而無及米浙
矛頭而更危幾欲乞良友而賦禮魂效將軍而謀裹草矣乃南
緬之降幡甫豎而西川之戰甲重移則又睇紫邏以尊梯指青
天而捨路石屋笮橋之險寒凌暑雨之艱加以巨礮駭心飛烽
爍眼一軍慘淡已化沙蟲萬帳蒼黃咸驚風鶴先生就白骨以
支几捉游鱗而代燈夕草萬言晝馳十舍帶圍銳減髮采全凋
而彌敦忠愛之忱獨任賢勞之役卒使十行露布爭傳倚馬之

文一曲鏡歌羣唱從軍之樂戎符入獻大凱來旋昶服成儀殊

珍荷

寵綴以纓珠而耀體重之翠羽以飾冠武庫在胸終食讀書之報毛錐得意仍叨稽古之榮

君之恩也臣之福也由是京華養志萱可忘憂喬木求聲鶯都出谷卿寺之官多清暇庭闈之奉有旨甘茅容之雞兼可餉客孟宗之被專爲留賓北海高明香山廣大絜韋弦者幾輩節羔雁者成行情往興來此倡彼和續茶策之詩話商酒坐之琴言方欲圖誌漁莊禪參蒲褐而執法之象乃應乎外臺肅政之司更隆之方伯重經洱海兩識廬山矻滑亂於阜蘭拯洪災於平越必使清比西江之水甘留南國之棠而後端右相期春明再召好生之德恒

詔以宥三麗法之刑亦用之警百乘輅數出洗獄皆空固知

朝廷之欲大用之也今夫依雲捧日乃臣子之本懷飾老隱年又達人之深恥是以疏廣移疾得邀供帳之榮韋孟退征有當懸車之義先生懼瓊姿之莫稱知

聖意之必矜歸志方申

溫綸已逮俾候歸艎於春水竟收穩柁於秋風野服江湖角巾田里或試謝公之蠟屐或闢申屠之墨莊擊石而吟聽衆山之皆響撫卷忽笑見萬花之欲飛在先生亦何嘗不心念觚稜夢爭王室而宦情已淡詠避賢樂聖之詩書味偏濃修澗古雕今之業青瓊還我絳帳招人此先生之本末不渝實

聖主之生成無已地先生淹貫羣籍涉覽百家推步詳乎測天考核精於說地高密之學拾墜於禮堂召陵之書割疑于騎省

若夫細素浩衍倍於直齋之解題金石崢嶸過於歐陽之集古
卽至鐵撥紅牙之句皮紙骨筆之書要莫不悉入蒐羅詳加採
掇停雲在望風雅之盟不渝舊雨並傳湖海之氣斯振可謂崇
替在選表裏必符者已況復龍門之文遠游益肆坡公之作海
外更奇先生勿賦涉江長而踰濟對金焦而洗眼仰誰華而怵
足流連竟日恒欲忘歸窈窕獻靈如驚知已迨至屬草陪乘究
塞外之奇袴褶從軍陟蠻中之嶮雖當長轂雷野高鋒雲而
居庸紫荊辨喉矜於關隘龍溪雞足詒今古於巖棲故能形勢
羅胸輿圖在掌其他宦途閱歷使節馳驅江山大觀旌旗小駐
青柯坪畔紅笠衝風黃鶴樓頭羽衣坐月訪南陽三顧之宅禮
文殊五頂之臺心與泉飛骨分山瘦雲留雨屨秋貯一囊人果
能咀飮英華引伸旨趣緬山梁之真契憬凡野之歎聲則德性

在其中經濟在其中然後知先生學問之深也然後知先生文
章之大也今者吟筵慣繫峰泖如家健竹輕扶薜蘿在眼尋石
湖之前夢溯錢唐之舊遊風景依依亭臺歷歷青山無恙常留
著述之身白髮相逢重主耆英之會瞻壽者之相古佛皆欽見
老臣之歸閒鷗亦喜際此杖屨之慶同申獻壽之忱彩露承毫
仙霞拂紙羣賢畢至大雅同登八座門生遙奏南飛之鶴七輿
故吏爭馳東望之鳧諒算亥之能工冀受辛之絕妙所謂吉甫
作誦穆如清風者庶可彰文武是憲之休崧嶽降生之盛云爾

募疏

募修祁縣學宮疏

周官九兩之職曰儒以道得名夫子數仞之墻諸生以時習禮
是以文翁之化益部乃布相遺虞溥之治鄱陽丹青並染要使

凡筵有秩風雨無虞而後良璞剖瑩瓌寶出焉幽蘭扇發馨烈
流焉信乎士林之津逮在乎覺宇之鼎新也已邠州地重畿南
星分昴次望春橋畔半讀書之燈解廩城邊盡鳴絃之室王子
雍故封宛在而七經之學傳劉仲洙遺愛未忘而六善之教著
固知虹含玉色鐸奏金聲氣淑於春化成自古兒童逐隊能爲
俎豆之嬉槐柳成行卽是文章之樹特是賢聖之關至重丹牒
之飾宜新而乃久闕星霜頰穿烏鼠桴琴侈剝宗廟傾頽至使
射瓠葉之俎者草行牽束修之羊者兩立梁陰載缺綿叢安施
匪惟郡人士之羞抑亦守土者之責也今者營室星明洛如花
照具梁卯煇黃而卜吉計竹頭木屑以程功竊念金布祇園尙
煩長者豈有錢輸光學不藉羣公用敢告之通衢襄其盛事韓
章具舉量鼓爭操庶幾一簣而爲山何待十年而樹木從此雲

藁構就路可梯青月斧修成室皆生白聖人道大君子澤長食
報何窮但驗科名之草落成有慶還聞絲竹之聲

募重刊功過格疏

神仙須立三千功方登紫府士子偶因一念錯便墮青雲則夫
密室齋心閒情損德視如十目訴有三尸在幽獨方拮據其短
長豈吾人不灑濯其毛髮是以尼父贊易垂餘殃餘慶之文箕
子衍籌明休徵咎徵之理此功過格一書圭臬前人比陳往事
意貞於其報跡儷乎儒修洵入德之初枕亦警心之寶鐸也則
有了凡袁氏贊揚善果標舉名言甘鞠錄而不辭旣徵應之有
所自是厥後奉行者衆考据綦詳所守益虔其效彌著紫宮執
斗先占陰德之星碧落鐫碑首注蕊珠之藉今覽其書搜株摘
隱綱舉目張譬若簞汜畫塗而彰善癉惡之旨見矣或者謂報

應之說儒者罕稱似乎心地福田祇牽乎陳說罪花燠種無驗
於恒經不知魏亢杜回亦云結草晉夢大厲如見搏膺恩則魚
鳥銜珠怨則鬼神敝室雖云天道實本人人心此卽稱釋迦爲天
竺先生使權函丈奉孔子作儒童菩薩同住華鬘論乎福善而
禍淫未可謂我伸而彼絀也是書流傳旣遠剗頗多乃善本
通神六丁攝去而麻沙易誤三豕同登茲幸借錄於春明不至
闕疑於夏五欲資衆力重付開雕細數浴義發鷲嶺牟尼之願
敢操量鼓鳩泰山黎棗之錢伏望儒林丈人瀛洲學士知爲善
之最樂信植福之有根覆篲爲山將金鑄字得似祇園布地結
此因緣先教司命朝天乞君富貴用集成裘之腋宜宏不捨之
檀化宇宙爲孝子順孫同是一家眷屬書姓氏於重花密葉卽
爲千佛名經

募修崇寧庵疏

京師崇寧庵者乃崇文門外珠營之舊刹也近神木之廠闐闐
相連鄰淨土之堂巾瓶可慕余過維摩之十笏訪大士之雙林
見夫赤華雞棲青豆蜂宿髻珠難覓賸瓔珞以塵飄輪相全非
比袈裟而色壞悅如上人津梁疲後緇錫來初爨棗惜其庸庖
丹青憫其剝落僅餘破屋難憑柳栗支撐便坐枯禪也要蒲團
安放不得已拓阿難之鉢踵檀越之門插草唱緣繞花作禮伏
願現前菩薩再世宰官發無量心結最勝果或持麋作供而喜
動人天或施柰爲林而輝生龍象合千花之彩高簇蓮臺累七
級之功圓成香塔則回頭彼岍彈指化城捨之長者而彌珍說
與世尊而亦笑莊嚴有象方知海沫之吹噓功德無涯普受佛
家之富貴

秋雨庵募建瘞骨塔疏

披白草於寒原俯青苔於秋井陰煙半滅燐火四生楮幕將灰
條衣不掩狐狸戴頭而舞烏鳶攫肉而飛縱死者之無知實生
人所不忍在昔周官設除飶之職月令頒掩骼之條以置揭糞
無穢虐士意甚周也後若劉昌埋戰骨於涇源陳向瘞遺骸於
古汴德同歸厚何擇於北邙善乃陰行可方之西伯斯又推仁
同類展義九幽均自効其慈心有足襄乎王政揚州地當綰轂
人雜流庸騎鶴背而爭來景螢光而易燼鬼中遽執鄉夢俄空
雖禪智寺前墓田不少而玉鉤斜畔露骨何多肩髀之家未成
鬻骸之山宛在水霜刻劃泥草糝糊慘慘成堆恹恹欲哭亦有
生前華屋昔者高軒閱歌舞之場列衣冠之隊而陽春一去夕
照相催花木屬乎他人子孫降爲皂隸平時石椁慕司馬之三

年此日桐棺欠劉伶之一鋪幽篁余處斷竹誰歌過之者有不
愴惻徘徊露歎頽息者乎則有秋雨庵竹溪上人者餐大悲之
飯燃無盡之燈哀此雨淋日炙之餘擇爲集朽藏枯之所欲使
尸陀變相涌出千花蒿里游魂登之四果一坏可覆七級須營
立脚非難合尖有待夫二花寄佛具有因緣巨象拾人可知根
器所望十方長者再世宰官或指上而流泉或掌中而雨寶香
煙聚處卽現支提海氣連時如瞻阿育慈航普渡高會無遮夏
屋覆人住城待汝生死人而肉白骨齊上化臺上碧落而下黃
泉並通覺路猶慮食氣食香之輩炬口針口之倫燠種流哀藕
絲纏痛是用朗鳴法鼓廣演瑜伽爲薜荔道而懺除設盂蘭盆
而救度紙錢似雪香米如山大招小招聽酸文之唱新鬼故鬼
慶歡國之遊成茲超拔之宏總賴檀那之助婆心無已苦趣全

離永謝蓬科長留塔相光能周徹兼銜明月之二分福不唐捐
勝誦牟尼之千過

募建杭州普濟堂疏

夫惲獨之哀矢音於宵雅艱阨之賑奏職於鄉師先王存不忍
人之心吾黨推汎愛衆之道恩風首被陰德耳鳴似蔭暘人如
肉白骨在昔居養有院安名坊凡所以矜老恤孤養生送死
者王道之本仁者之施也吾杭地據要衝人稱繁衍江湖通之
一舸烟火接乎萬家聞鐘梵之清頌爲佛國論物土之美望若
仙宸固宜比屋可封百姓咸給然而生愈衆則或羸或絀之攸
分食旣繁則畸富畸貧之不免乃若困窮莫告疾苦難言與少
得瓶達無肺石顛連萬狀呼吸此生設非憐其涸轍之枯有不
轉爲溝中之瘠者乎此普濟堂之建爲亟亟也世固有並門蓬

戶之子牛衣馬食之夫犯雨衝風堪寒耐暑力能自任窮豈爲
憂至於景迫侵頽形成銷鑠目鰥鰥而常醒言藹藹而已哀益
衰年之感易生而又益之以病單處之身最苦而更重之以貧
藥裹誰將衣袂莫製岐風刺骨凍雪蒙衾嗟白髮之奚堪望黃
泉其殆及我辰安在傷如之何亦或雁爪迷離萍蹤飄泊人非
舊雨約誤三生客是秋風裝輕一葉蘇子無百錢之貨鄭莊乏
千里之齋寒餓相尋臞腠已極魂將游岱夢且迷鄉能無失路
之悲難免窮途之哭若夫離鸞苦唱別鵠淒吟首似飛蓬心還
集蓼樂安君之逝高族已傾京城氏之孀遺男安在伶仃有影
憔悴無言人愴未亡心傷獨活此則嫠婦之緯恤本無多寡女
之絲彈真欲絕也已又若扶扶赤子身僅負牀噉噉孤兒面誰
雍樹真楊歧而莫問戀楚穀而恒啼固行路所爲慘傷亦人井

同其怵惕者也即使負薪行及樹柵已能聘村夫子而無由從
牧豬奴而共戲雖有懷靈蘊異絕俗超凡者而過學流涕之嗟
讀書須福之語自傷卑賤祇益歛歛稽昔所稱於今同慨今夫
一夫不獲王者引爲余辜一人向隅舉坐因之不樂而況啗齧
嗽獲之狀日構於心回皇愾惻之容時接於目同其食息而膏
壤有懸共此根塵而茵溷斯異是非六疾之館長者發心入成
之湯醫王援手正恐瘡痍莫救轉徙何之貞柯於是遭摧芳草
緣之見刈尙忍言哉尙忍言哉

聖朝深仁罩布闔澤潛敷憬猶病之虛懷軫如傷之至意一時
守土之君子種德之士夫莫不赴義爭先承流罔後息焦原之
沾罷芄野之罄同建福堂各崇仁宇吾杭亦有育嬰養濟諸善
果而宏規未度廣廈猶虛每逢餓者於騁桑安得老人之結草

夫金能布地爭羨給孤豈錢可名塘轉多漏澤乎則有釋際仁
者乃吾老友高君伯陽也儒書舊肄竺典新繙證夙世之法緣
結今生之勝諦東澤綺語之債頓爾懺除樊南行者之癯居然
真箇捨鮑侃之宅則預闢廣場捐許詢之貲則全空私積娑羅
力猛菩提子堅乃復乘星曳月而行捉鉢提函而至遠求法護
共助圓成駛河之彼岸非遙苦海之慈航待駕斯固羣生之有
豸非徒大會之無遮而已間示規條略窺梗概大抵敦行實惠
嚴杜虛糜必使熙熙而上春臺渠渠而游夏屋雲量所覆則周
遍旄倪烟房相遠則區分內外拯其垂死十全爲上之醫教之
始孩三冬足用之學或有鬼中遽執恒幹終捐蒙後事之矜短
生亦樂免前和之見長夜皆安其制甚詳其功甚大不惜十年
而樹木實賴衆志之城所望現宰官身者首勤唱導受孔子

戒者亦助檀那通欲立欲達之心發救苦救難之願引諸子於
火宅盡得清涼接疲衆於化城咸生歡喜百八之牟尼未數三
千之功行俱完行見續命之田種皆是玉通腸之米擲卽成珠
富貴方長文章亦壽並收美報兼致合名供養香花人與在三
而共戴敬恭桑梓吾先合十而陳詞

惜字會募疏

在昔蒼牙演象啟形兆於皇初元扈迎符洩菁英於宙合禎圖
涌地寶粟飛天以通神明始制文字美矣哉煥矣哉然而及蟲
戈鳥始露端倪竹簡韋編不勝繁重動費瑤華之載彌珍宛委
之藏今則湘管方操無嫌畫蚓刺藤乍展便擬塗鴉疥壁爭豪
災黎乞壽會計雜乎米鹽之用研摩極之藩溷之間不免鄭車
飄階江花委土飽蠹魚之三食供麗鼠之一餐此行路關公不

忍聽之風雨豈吾徒屬曰可憑過若雲烟也乎爰合同人共襄
勝事爲善有同於采菽積功要等乎拾樵糾月會之錢量入以
紓其用稽日納之簿優出以給其酬庶幾返栴檀於委灰之中
拔蓮華於淤泥之內一肩可任隻字不遺所望儒林丈人讀書
種子各有領囊之助用資行脚之勞鑄財卅六爐何如此寶
埋禿筆十八囊莫比其功從此占陰德之星食文章之報吉金
貞石同垂延壽之銘密葉重花預織登科之記

募重修吳山寶成寺疏

杭州寶成寺在紫陽山之東吳越王妃仰氏建也舊號釋迦之
院改額祥符之年名花一叢入東坡之詠梵相左壁記畏吾之
文歷代以來遺蹟尤著若夫星拱方構虹梁始申分使宅之錢
獻龍王之藏布金之地如界綵繩滿月之容亦播鸞手房闢青

豆座涌寶蓮九子鈴搖願撒後宮之飾五莖花散卽成善女之
臺廣締勝緣宏修淨業藤蒲整拂龍象周環亦如發心院中十
寶施於錢氏回峰庵畔一塔表乎黃妃並隨香火之緣各顯莊
嚴之象然而山河影幻富貴烟銷花辭陌上之春錦脫山中之
樹雖婆留井在而玉螯都非雖靈石墳封而金蠶已出仰妃墓在靈石山放
場馬何況嵐昆之風更猛昆明之劫方過雲臥禪牀鳥巢佛髻打
翻破竈虛飄瓔珞之塵吹起布毛莫補袈裟之地旁舍旣憂其
侈剝大殿行見其傾頽瓶鉢俱空棟梁誰任每逢落葉冷莫遮
頭獨立青苔寒將到踵夫頭陀製褐稱釋網之更維淨惠摘文
幸法螺之再唱豈有名山巨剎竟歇鐘魚前代琳宮半荒瓦礫
而忍不加被飾終任淪胥者乎伏願長者發心宰官喜捨結五
根而成性宏六度以爲檀尉遲庫之錢憑之一帖子敬家之米

指卽連囷則吹海水而作須彌聚鬘雲而爲蘭若法輪重轉慧
日常懸虹挂新幡唄流舊樹光明普照如燃貫夜之燈功德無
邊勝造塗金之塔

臺廣綿勝緣宏修淨業藤蒲登挑龍象周環亦如發心院中
 實施於錢氏四峰庵畔一塔表乎黃妃並隨香火之緣各願莊
 嚴之象然而山河影幻富貴烟銷花辭陌土之春飾脫山中之
 樹雖婆留井在而玉裝都非雖靈石墳封而金甌已出
 何况嵐昆之風更猛昆明之初力過雲臥神狀鳥巢佛醫打
 破龍虛飄瓔珞之塵吹起布毛真補袞安之地秀色何憂其
 影到大殿行見其傾頹瓶鉢俱空神火誰任每逢落葉冷風
 數觀或望金之萃
 日崇懋地其襟袖則或書獻次即普照收觀費齊之邀也新燕
 許鳴也困限池前水而射飛龍變雲河為蘭苔志餘重動悲
 根而成性安六皮以之極別近庫之飲慮之一帖于敬家之水

有正味齋駢體文卷二十

錢塘 吳錫麒 聖徵

題辭

宋高宗中興瑞應圖題辭

白圖緯之書尊為內學符瑞之志創之史家於是鉤識葳蕤朱
 紫騰沸文呈木石方驗鬼神祛惑為難貢諛斯盛然而白魚赤
 烏之瑞當塗典午之徵取效後來炳然前載揆之人事合以天
 心惟九五之飛龍受泰元之神筴矣有宋高宗丁元二之厄兆
 赤九之祥泥馬行天金牛拓地五遷之王繼陽甲而興三讓之
 君卜橫庚而吉帝心所啟神器有歸修中興之禮書上神堯之
 尊號一時挾張史冊被飾丹青靈貺畢甄亦固其所乃論者謂
 其倉黃南渡隱忍北盟燕類處堂鼠同入角甘納二郎之士竟

有正味齋駢體文卷二十

忘半臂之書遂使雪窖冰天攀龍鬣而恨遠荷花桂子騎驢背
而愁長江山不完天水欲碧猶復侈陳寶命騰耀珍符既大義
之難言何片縑之足重乎不知識興銅馬邳邳亦是偏安禍構
青騾靈武何嫌正位高宗之失惟在聽權臣之壓日共讎國以
戴天致成離黍之中原莫返晚霞之世界蓋其未造之不綱非
其始至之有歎也昔有予齡於夢當璧於庭卜箭決行留門待
啟亭記玩鞭之號地傳危渡之名者莫不克享神釐用昭天授
際此維新之日適逢乃眷之庥鍋未銷金絹先殺粉霞搖五色
露灑千珠憑院體之精工發神光之炤爛翫其景象猶連王氣
於九邊皴以雲煙豈比馬家之一角哉今者山河小影月裏空
留翰墨前緣酒邊重省考古有資於稗史題詩已遍乎藤笈一
者輸贏可悟棋中之劫千秋指點無非夢後之梁不待清明上

河之圖燈火樊樓之句前塵往跡回首都非而更轉蝦蟆聲來
白雁應徧如響數若難回一代之間興亡忽焉不可不察也

南宋畫扇亭本題詞

莫韻亭侍郎以南宋畫扇亭本見示屬題其端竊念花鳥千秋
西湖最勝江山半壁南渡偏安行樂者藉以賞心懷憂者謂爲
失計然而夢梁之枕易醒離黍之歌已闌老樹冬青長天水碧
問銅人而無語嗟泥馬其安歸惟此零落羅紉飄蕭金粉重邀
翰墨再寫丹青索我一言因之三歎蓋高宗以孱弱之主託中
興之名隱忍仇讎耽樂游宴黃羅棋子幸入乎九宮明月刀環
竟忘乎二聖乾安樂奏瑞應圖開鍋號銷金園名聚景淡柳濃
花之賞只說錢唐殘山賸水之遺付之畫院而此扇也煙染猶
活霧霏更香分一波於長短橋邊移碎錦於東西塍畔冰綃巧

製粉本恭呈皎月團圓清風開闔望柳陰之前面船放總宜認
茅屋之舊游地經留下其上題詩云芳草西池路柴荆三四家
憶曾騎款段隨意入桃花蓋高宗宸翰也瘦金之格如仿乎宣
和屈玉之章早鈐乎德壽宮殿之秋欲到山河之影空涵敗篋
貽來逝波眷往侍郎因古懷之根觸煩妙手之臨摹蝶痕未撲
而先留蠹粉已消而復聚問繁華之世界幾換炎涼歎潦草之
光陰頓成今昔秦源何在隋苑同迷不過畫寒食之天替懷朔
漠寫清明之景借慨上河而已嗟嗟聚頭難得愁瞻五國之城
障面奚煩甘賽二郎之酒已失中原之大局何爭一角之斜陽
迨至三日潮遲六更鼓繁老將騎驢之路淚灑何人相公鬪蟀
之堂苔荒今日玉墜難求於魚腹珠鞍已出於人間能不悲哉
能不悲哉余以生居斯地耳熟前聞憑一物之流傳論百年之
興廢聊疏短引用綴大凡若夫懷袖承恩宮闈紀豔無關鑿戒
不在鋪張云爾

石環堂修撰重集蘭亭字題詞

憶癸丑上巳余居真州積陰沉宵長雨彌晝愴織製之落影感
繇羽之歛聲良辰告勝而高懷莫勝流水相競而清觴不登思
采華掇芳練情於往述迷偶曠絕好音從風不足濫管弦辱烟
楮也暑景倏忽素商流空偶有薄游弭檝邗上轉運曾公舉秋
禊之會招諸名流率率以往蘭草未歇竹枝自修密吟轉清跡
酌彌永引睇崇乎千載巡衿洽於一時雖事異古今而往來若
續雖候殊溫肅而俯仰並欣因仿蘭亭詩體賦四言五言各一
章今刻於邗上題襟集者是也其年琢堂修撰持湖湘之節收
杞梓之才山郵正長波路或阻慮無暇真求往跡劬思昔賢乃

端面匪遙晤之於山水輕綦用紹赴之以性情今年春出所集
修禊序示余即癸丑作也鈇觀兼呈椎拍無跡文采流溢宛在
永和之年風湍滌洄如行山陰之道知其神明相結信有味焉
非可強同矣然而宇宙甚大納之在方寸之中耳目至近推之
極千里之外若能元覽周洎澄思杳冥有觸斯通理一而已況
樂行憂違古詰之本懷希彭悼殤生人之恒致標茲遠度映我
宿心胚胎一陶莫非成於所遇因述昔者竝綴諸文

六月二十三日澄懷園觀荷詩題詞

澄懷園本索相國別墅後入於官當其高閣峩風飛橋架水紅
生花笑迎丞相之車綠響苔綦聽尚書之履爲蓬萊之左股亦
清微之別天也新宮不戒舊址都非後稍葺爲一內廷翰林公
寓余以丙辰二月被

命入直二尚書房遂來園居連墻通謁近局招邀想金碧之嵯
峨翫水木之明瑟惟池西小樓猶存前構錢撫棠中允題寓此
題曰蓮葉西齋者是矣夏五月
駕幸熱河入直諸臣皆

賜休沐余以城中無寓仍留園居流水周環芳草未歇菰蒲之
氣雜糞乎琴書蠹蝕之羣交游乎庖福人事罕接埜趣彌多未
幾水芝作花紅錦溢目靈妃之佩騷客之衣若擁余於雲水間
也會法時帆祭酒式善招集詩龕飲興方濃斜陽已促余以重
闔之隔倉卒抽身而劉松嵐刺史大觀家山尊孝廉蘧聞藕花
之盛促騎與偕出西直門暮景告臻暝色浮動風蟬不斷水螢
自明躑躅幽遂忘僕僕又十五里抵園籟籟之聲則槐黃灑
地幢幢之影則樹黑塞天爰就南軒迺開北牖水態涵遠煙姿

積深鷗選夢而歸眠魚闌涼而出戲花迷處所盪清氣以為香
葉散玲瓏響回颺而作雨蓬窓宛在兼有釣筒江鄉宛然惟欠
菱唱於是尊開綠螳舌卷白波剝蓮子以充羹雪藕絲而作饌
咄嗟可辦謠詠相誇因酒增豪為花益壽蓋相傳是日荷花生
日也嗟乎頻年竹醉有負此君二月花朝果誰初度何意今番
之繼繼竟逢我輩之疎狂蠟燭高燒未教睡去金杯低酌常祝
開時未幾殘月生林冷蛩號砌始各就寢明日同以詩紀之而
余復為題其端將以補草木之春秋驗醉鄉之日日去爾

七夕澄懷園燕集詩題詞

七月七日桂未谷懷五洪二存亮吉伊墨卿

秉綬張船山問陶何蘭士道生來園觀荷值雨大作賦高軒之

過汎汎若舟識公子之來翩翩如鷺襟帶淋漓各解於床童僕

離披尚戴平葉既釋勞苦旋生歡娛涼逼鬢眉香逆口鼻徙倚
庚辛之檻洞開了鳥之窓華捧千盤花為四壁堆成豔錦入烟
光而亦波瀉落明珠雜簷溜而同響於是據石選句臨流作書
君子之風先傳於筆是日許君為未谷
送行詩題詩于筆名士之酒已設於尊次公醒狂
鄱陽暴諫引滿相罰豈醉不知老鬢忘羞且簪花而飲童心猶
在或踏浪而嬉暝色既催去留各半雨聲未止談諧轉深感別
緒於人間念離情於天上匏瓜無偶銀漢常橫酒冷燈殘言之
蕭瑟後數日彙所為詩裝潢成軸余重為題之俾未谷携之滇
中以慰他日相思之念云

陳桂堂太守詩饒題詞

過屠門而思嚼逢麴車而流涎徒為口腹之人誰得詩書之味
若夫鱸魚秋候苦筍春期尋鄉夢於半江締歸心於一箸則青

山當席白水承杯逸興催來吟心併入遍飫芳鮮而取淡歷經
 傾漱而得腴若桂堂太守詩饒一編可謂闕登雋之廣場極鍊
 珍之奇趣者已論者謂其敦心舊雨悅志古風猪肝既不以累
 人鵝炙豈嫌其吝已則守儒門之淡泊略世味之酸鹹又何必
 自求口實哉不知星宿名箕卽寓菜頤之象雲雷飾鼎兼摹饗
 饗之形而況書可澆習花原堆吻醉鄉開拓正待詩人食籍鋪
 張自稱饒守逞鴟羹之老手快饒餅之殘牙字裏咀含句中斟
 酌凡疊饒字韻詩百有餘首皆和唐陶山明府作也老饕健在
 屬饜欣然和之為骨董之羹釀之皆真一之酒此殆啖荔支之
 三百未覺為多食雞蹠之數千尙忘其飽者乎僕飢腸易轉腹
 本愁枵食指空搖氣先欲餒電慣看其游竈羊或夢乎蹴踖辱
 示瑤華如嘗禁嚙口難辨味齒但生津願先導以韓章莫

平厨傳他日放秋江之棹踐長洲之游菱角方紅蓴絲正綠重
 拈舊韻別譜新詩則回味堪求清饒藉解花明玉軟須分刺史
 之酥月白風清請說吾家之餅

醉司命詩畫卷題詞

夫司命據上台之尊祀竈稱孟夏之典自東厨之號見於道書
 職祭之行昉於陰氏有所有報宜君宜王矣戰國策稱之帝君臣率若
 夫漉漉糟塗匆匆醴醉謂欲捫其赤舌罷彼綠章神號聰明事
 同遊戲敢望馨香之感聊仍風俗之遺軟脚三巡齋心一獻斯
 時也雪花撲地爆竹轟天蠹螭影而紅搖剖羊腔而黃薦灰堆
 待打鏡聽當來松燔小把之柴茅縮生頭之酒曹騰醉汝利市
 償念請廣樂府之新篇用代神絃之雅奏爾其光明示象調劑
 居功建絳節之葳蕤被黃衣之颯纒我我者警來若美人索索

於庭祭之老婦鬼神方驗能招午夜之靈兒女情多可補小名之錄

五經通義竈神婦姓王名博類字卿
西陽雜俎神有六女昔名察治

官府既稱於上盼眷屬且比乎

人間斷不至訴約三尸窮攀五鬼其低叩而作態或滿謝而誣

天特是客舍蕭條常憂炊斷儒門淡泊并少羹調煙塞數楊雜

勞薪而入爨酸封百甕按食籍而論羣安能歆以芬芳從其嗜

好以視東家鼎列西舍鐘鳴郎食猩猩脣妾食鯉魚尾得母酒

車斟酌眼執處師之觴飯甑蒸騰齒冷飢人之夢也乎然而蜜

漿瓊勺不如杭肴瓠脯之甘也畫卵雕薪不如土銼油燈之適

也如其久習清貧漸志富貴則字原耐煮琴豈嫌焦嬾僕憑楊

嬌兒許跨大可聯盟於晚歲何愁逼處乎謔臺爰合同人各分

一體為迎為送應官應商成醉司命辭若干首屬兩峰子繪圖

傳之嗟嗟白玉難炊黃金空鍊聽細腰之鼓臘尾可憐拈膠瑯

之餒童心陡觸猶幸索郎有顧遂坼紅泥近局可邀還同白戰

神既醉止我亦陶然玉鳳飛空銀龍掣影朝天好去忍瓊樓高

處之寒拜命言歸錫草野年頭之福梅花欲放柏葉重斟萬井

煙生一天雪止熏之沉水何妨臥甕仍來媚有新詩盍不踞觚

且聽

添香女史小照題詞

女史姓馬小字彩揚
州人查小山始人也

但描瘦影即是梅花為對紅粧宜燒蠟燭亭亭如此舉舉可憐

點屐無聲畫眉有譜照來清豔况逢明月初三洗盡鉛華纔稱

東風第一則有添香女史者乃吾友小山詞客之姪人也扶風

舊家廣陵慧質神錦五色錄補小名瓊花一枝歌傳大捨渡頭

接汝心上憐伊圓成如意之珠交結合歡之結來歸燕子最愛

雙棲打起鶯兒還甘同夢宜其帳留嫩雨褥隱癡雲謂我輩之

多情幾是鄉之可老間因酒坐爲述吟心誇彼柔些索余軟語
今夫三心五噉象著列星四角中央詩徵樂府旁妻窈窕女子
聰明往往帖寄深情文稱慧業當此寒交三九花放一分方施
撲粉之粧待下燒香之拜逡巡出手宛轉擡身釵橫玉而郎兜
鏡楷冰而妾對餘醒苦澀渦暈黃嬌凍管教呵眼生紅笑幾處
簾櫳之影一番花葉之書匪春女之能愁實冬閨之可詠於是
流黃罷織虛白旋生樹底春浮窻間紙醉轉雙聲而讀曲依十
索而裁箋貓奴可來爲徵故事羊羔不設但煮新茶小語啁啾
效羅浮之翠羽短書珍重署蓬萊之碧仙每至灰陷水沉薰銷
蘇合停燈欲暗折紙猶聞不必誨師曹之琴擁樊通之髻而上
頭之夫婿已慣嬌花江汜之嫡妻亦知寵柳也已僕語慚黃絹
詞愛烏絲當妙繪之展看宛佳人之獨立繡出神針而莫比量

跋

戴春塘家藏松隱居詩畫跋

夫述祖德者與思喬木懷舊隱者寄慨煙蘿良以理貴崇瞻情
存幽契故也松隱居者元戴叔能先生故棲山抱九靈松分五
粒標新韻而逾古結寒姿以當春先生思樂在林遁奇於野有
雨皆舊惟雲得停倪迂爲之製圖青邱因以奏詠雖浯溪之題
山谷天柱之寫巨然亦何以尚之哉年載易史巖壑無改賢孫
春塘以後來之秀揚前哲之芬惓惓之意彌勤窈窕之懷斯託
旣示茲繪并誦曩篇十影九形恍席月於青障一唱三歎想眠

琴於綠陰高山之云企焉曷旣

詒晉齋詠趙忠毅公鐵如意詩卷跋

夫千秋非可冀傳之者貞臣一器何足珍重之者君子是以舊
司農之笏血灑元黃彈信國之琴聲淒風雨若夫邪蒿未拔隆
棟將傾丹不忘心碧難理地箕尾縱歸於天上精靈常託於人
間吾蓋讀題趙忠毅公缺如意諸詩而尤有感焉方其祥麟特
出威鳳初鳴嶽嶽於朝錚錚此骨聳四凶之危論埽羣豎之姦
鋒用汝爲觸邪之羊風生搏擊用汝爲屈軼之草志効驅除捉
搦與歌提攜起舞直欲唾壺搥缺珊樹敲殘而楚魄幾沉莫盡
指揮之用秦冤難洗翻催鍛鍊之災嗚呼悲矣於是雁門戍去
黯黯投荒邽莫經過迢迢訪古囊裏之冰虬欲吼雲中之蹇騎
難歸東方未明硯借舊侶東方未明公見銘也西臺慟哭竹奏先聲孤負佳

名時事嘗居八九激揚勁節摩挲豈止再三鑄非錯而奚尤賜
有環而誰沮剛終不折堅豈能磨風將振世之懦頑物亦爲人
之愛敬嗟嗟茄花委鬼化何處之蟲沙石馬銅駝掩前朝之荆
棘而一枝冷鐵幾字殘銘古入鱗紋香留昔鏞佐高齋之燕賞
供名士之品題追俊及而論芳型合鄒枚而裁新句似吐成虹
之氣肝膽俱寒如聞擊石之聲鬼神亦泣例同白戰請磨詩國
之心兵事在青編還助史家之談柄

明楊君謙七人聯句詩記跋

昔邨嘉賓好聞棲遁阮思曠少無宦情惟其澹心如市之場肄
志在阿之詠故能自盟白水取鑿浮雲然人當卸朝簪遂初服
蹇驢就道襍被遄歸又未有不臨祖帳而徘徊撫朋觴而繾綣
者吾蓋讀有明楊君謙七人聯句詩記而後知其情之有不能

已也君謙守老子之戒履幽人之貞慕秋味於尊鱸締冬心於
竹柏既已詩成招隱鼓促回帆而乃舊侶遮留同官餞送挈榼
提壺而至聯裾接轡以從晚雨一天酒人幾箇相與翦燈而語
徐聞折紙之聲宛轉聯吟循環互唱簷花細落如開主客之圖
篷滴遙催已入江湖之夢合七人成聯句詩二十一韻自述詩
七首互相贈答詩十四首而君謙自爲記紀之言之長誼之重
也今戶部楊君蓉裳得其遺草思刊行之而屬余識其後楊君
方精假歸里余亦以乞養將還山水之情無間於今古薜蘿之
興可喻諸隱微則開浮螿之尊訂隻雞之局舊雨今雨青苔之
榻無虛長謠短謠金谷之例斯在采蘭寫樂折柳言愁傳之後
來不又有與斯卷同爲珍惜者乎

趙垂書先生梅花集句詩跋

先生名紳上海人趙硯
山懷侍御兼冲之祖也

夫襲江爲之句一字稱師表季迪之吟兩言絕唱則夫垂垂玉
照豔豔春浮情味相融風流極賞攜瓢酒肆時遇縉衣負手茅
簷還索清笑一時鋪張韻致布寫瓌姿或芳溢百篇或華敷全
集博收約取神而明之此垂書先生梅花集句詩所由也觀其
氣積於遠足馭夫古人境得其深若先乎作者崇替在選耐剪
交銜妙采幽微自成馨逸翠羽晰晰和之雜佩之聲鹿胎斑斑
助以古苔之色借橫枝之清瘦夾密朶之玲瓏瀨隨無癡蟾盤
有影可謂琴百衲而尤韻裘千腋而愈精者矣往者遺墨飄零
殘縑散佚幾作蛻形之鶴將供食字之蟬令孫硯懷侍御從閱
市之餘遇還珠之日寒當徹骨香竟返魂一卷傳看幾生修到
團雪散雪觸手而春自生南枝北枝裏頭而吟早遍鉛華不著
烟水如攬捉筆疾書想見玉鱗之舞呼燈細讀儼聞銅笛之吹

思元主人風雨遊記跋

結賞於烟蘿之藪攀歡於魚鳥之鄉此其謝跡巖塵澹心軒冕
非所謂白雲此潔青松並高者乎余蓋讀思元主人風雨游已
而歎其意致之翛然尤遠也方夫公事有閒意行無擇流翫落
日澄觀夕波花斷橋橫林虛岫入漁釣之趣如得之畫中槐柳
之陰全碧於空際性情所託物我相忘矣而乃天助奇懷雲開
異色巖聲吼而風已及水氣腥而雨驟來霧捲烟噴雷轟雹擊
大魚欲立羣鷗亂飛路黑一條泥深徑尺當斯時也視冠裳為
蓑笠履原隰若江湖狂飈駭乎耳邊流泉鳴于腳下燈火遼絕
僕從譁然獨能無損天機彌騰逸興胡盧失笑獨漉徐歸裹濕
翠之滿身剔乾紅之一穗搖毫莫已申且忘疲以幽微要渺之
思寫恂恍迷離之境林滴方歇酬以清音荷香若來盪此京句

落落乎不復知有人閒世也夫古來西園多士平臺盛賓或載
飛蓋以填街或應鳴笳而啟路臞靈甫匿華燈繼張莫不極聲
貌之娛縱談諧之樂若夫烟山冥陟風水奇聆身歷蒼茫目窮
峭蒨如少文雲泉之志坡公笠屐之圖高致勝情莫能及已

曹慕堂先生紫雲山房詩集跋

余乙未成進士與曹君定軒為同年見其望望竭誠瞿瞿顧義
謹數馬之五銘循牆之三固知厥德不回其來有自矣既而謁
其尊人慕堂先生則先正典型前輩矩矱溫肅之氣備乎四時
汪洋之波挹之千頃為善更甘於采菽守身有鑒於慎桃子
云言有壇宇行有坊表者非先生之謂乎其廳事前有古藤一
本當繁英透格新香撲簾輒召賓朋得侍吟譙編茗句疾而茗
酌先酬擊鉢聲遲而觴情已暢先生尚倚筇花畔駐屐苔閒獨

寫幽棕自標奇致故名詩曰紫雲山房集者志不忘藤花也夫
先生負宗彝之重抱竹柏之貞當其進而立朝也則焚蕉之
稿易廢乎敲鏗及其退而養病也則攝生之方更懲乎雕刻似
乎櫛句締章之學未殫鍛年煉歲之功但當專論事功直推性
始豈必侈附庸於風雅求別調於宮商及受其詩而讀之又復
剖毫晰釐練青濯絳風雲之氣鸞鶴翔空山水之音薜蘿在眼
旨哉得味之雋淵乎談理之深是非根柢槩深又安能枝葉峻
茂如此哉今先生已歸道山令嗣定軒昆季刊其遺集屬余一
言余夙侍元亭叨聆緒論愴梁陰之載缺企龍門其已遙然而
海上移情尚賸刺船之響壚頭感舊難忘擲笛之聲則精氣常
存神明不沫名花二月詩卷千秋一再誦之如和與唱歎於藤
陰風雨閒也

家笛船黔遊畱別詩跋

某水某山此去之勾留不少春波春草自來之惆悵原多柳搖
欲斷之魂花染將離之淚別風感我淮雨催君腸裏環旋九回
未已笛中波折三疊乃深酒罷故人歌闋勞者明知後會之不
遠祇愁來日之大難狁鳥蠻花指征夫之前路白雲紅樹懸遊
子之歸心藉蒯爲緜好彈長鈇煩魚作使早寄短書聊借引伸
用酬淒眷

小滄浪閣題榜跋

屈子香醉家於當湖之濱芰荷殷生罍罍疎布月明風熟則曳
舫相聞霜且晴初則鳴榔厲響爰建小閣實枕斯流榜曰小滄
浪焉興托戲人歌取孺子宜烟宜雨之賞配有紅樓濯纓濯足
之思鑒茲白水

何春渚哭子詩跋

丈夫亦憐少子暮景堪娛詩人尤愛嬌兒書聲可樂而乃小冠
宛在短檠孤存珠不常圓花惟有夢亭感千秋之號銀虛再世
之緣信琉璃之勿堅奈瓊瑰之莫制此吾友春渚哭子詩三十
首所為腸經九轉而淚落千行者也爾其奇穎發翹冲姿結秀
市皆呼璧氣更如蘭吐雛鳳之聲清學阿翁之吟苦眠同雪被
讀伴糠燈醉仗能扶書教代檢每憶斜陽下學之地春風上冢
之天戀庭闈而可憐撫棠梨而亦歎曇花偶現母乃前身玉樹
生理竟成宿讖嗟嗟滿天芳草難尋思子之臺幾處啼鴉莫替
傷心之語茫茫異路宛宛平生一筆詩埋三杯酒欠遠奪石麟
而去倍逾金鹿之哀憤不能平輒效東方之罵鬼育何足憾甘
同子夏之呼天惜子童烏傷余孩赤縱少無雙之譽亦居第五
之名而旅櫬京華羈魂與地條衣欲朽麥飯誰供展誦斯編重
牽舊緒反袂拭面有餘痛焉

讀張仲亭孝廉黑小子傳戲跋

北方温酒之器也範沙土為之其質黧黑故名仲亭飾以金玉

且龍之以博屬余為跋

渺渺前身定葬陶家之側迢迢華胄得母水帝之孫結成傀儡
而須澆狀似焦僂而更短土銚油燈之側祇覺情親文螺翠杓
之傍終慚形穢則有三閨茅覆一桁帘挑霜冷停驢風尖歇擔
拉雜進饒僮之餅琤琮鳴醜妓之絃斯時也脫帽狂呼踞觚大
嚼捉以懸槌之手登之折足之筵歌邑中黔俾我心之實獲陪
竈下養幸此貌之無憎一斟一酌而膏液沾永夕永朝而煤良
精漆身自効聊承乏於偏提瀝膽何辭願酬知於大戶然而坐
爐火之上尾已徒焦溷人海之中脚其安插感搏沙之身世託

逐熱之生涯固已分棄斗筭甘埋塗炭不謂以此隄而刮目爲
混沌而畫眉鬢沐有加遭逢特異金玉飾其外蘭芷謔其中被
以寵光錫之佳傳醉鄉草制游戲斯文酒誥承家嗚呼小子當
墟許配會逢上古元妻臥甕能來台喚吾家黑面

贊

魏忠節公暨孝子孝烈先生像贊

并序

明至熹宗隆棟將傾太阿倒授章心猶在戀黃襪而投懷閹啖
方張掩紅陽而見沫晨因牝煽門欲牡飛積城狐社鼠之威成
金虎宮鄰之禍遂至辱夫夫於威械隕鯁輔於圍屏心煉彌丹
血埋更碧如魏忠節公暨孝烈先生者父作忠臣子爲孝子其
事尤可述焉蓋公砥節廉隅束脩純約餐清絜於蟬蚓毆惡甚
於鷹鷂當臺垣游擢之時正鬼蜮潛行之日青蒲屢伏白筆無
撓杜包苜之行絕焉蘿之附肅清仕路簡上飛霜搏擊宵人眼
中有鏃激先弧於塗豕忘後患於并蜂時孝烈已深憂之申屠
觀勢而炳幾康節聆聲而燭亂履霜怵志集霰寒心挽之不得
也遷謫既加毒痛未已羅織之經百出甘陵之部重分緹騎晨
飛檻車夕發天風鼓怒海水沸愁星占貫索而偏明獄比同文
而更慘黃芝擢地兆應草妖白骨撐天冤沉寢席竟蹈膺滂之
碎首卒同喬固之暴尸善不可爲禍無此酷孝烈始則蒼黃掩
泣匍匐潛行亡命託李馬之家營救望祁奚之力旣而黃沙痛
隕廣柳扶歸氣僅絲連骨逾柴立終辭藥餌傷心獨活之名永
謝燈光俯首重泉之路模糊血淚宛轉呼號萬古流哀一身殉
孝蓋其以毀卒也後公纒百餘日耳嗟嗟茹花委鬼立見水消
義子乾兒都隨樹倒赤古徒勞其簧鼓金書早鑒其精誠

孝烈未
卒時

人先夢見忠節葬地有金書忠孝坊所惜中外驛騷衣冠塗炭任豺狼之當道事已可

知驅虎豹而守關天何此醉既深其執熱遡風之患更益以逝

梁發笏之憂卽有英主鋤姦崇祠表節祭潼亭之墓大鳥能來

陪元祐之碑震雷自厲而本根早撥元氣難扶鈞黨捕而漢亡

清流投而唐滅嗚呼痛哉是冊圖繪宛然神明煥若威餘繡豸

儼蒿目於朝端泣罷啼鳥尙墮聲於紙上同在東林之錄先振

清風試尋北海之亭常雷孝水時諸避難子弟皆主庶忠節公江村北海亭孝烈亦在焉而况顛天

歷懇更踵跡於金陀矢日明貞復爭光於漆室顯一門之志節

扶千古之綱常昔掉扁舟曾仰武塘之松柏今瞻遺像倍欽男

子之鬚眉爰為贊曰

忠孝庸行危苦構奇風逞錫駭婦孺涕洟維喬與梓蚴蟻其枝

磅礴鬱積騰雲降螭嗟彼童昏亂是用長媪相毒流陰臣糶養

載鬼一車織貝萬丈虔劉善人禍劇鉤黨神羊峩峩見邪而觸

讒虎眈眈遇正而逐匪惟逐之必將殺之糜膚潰體畢命奚辭

叫天無辜哀哉孝子父生兒生父死兒死雖死勿死求仁得仁

斯父斯子卓然完人白日登光羣陰消熄胡陰之消已離之昇

尊始人痛慘沿賊賊為蛇為虺終隕社稷敬觀遺像悄乎憂深

積痛於骨飲淚於心起懦立頑感極古今掩圖太息霜飈颯林

錢更加乎北海之常滿忘東方之斷高若是者謂之富

交扶風豪士五陵少年馬埒鋪網鷗裘裏雪結客之金瀉水照

人之膽生秋砧玉札以百函酬寶劍於一諾氣求聲應川涿雲

飛生慕相如之名死傍要離之家若是者謂之俠交至於輪

似水冠蓋如雲三枝繁欬之門二等金紅之第章素貢其顏色

啟矣遂其請有借片羽將以升九霄附一毛可以翔千里遂有

蘇離飲骨膾炙心賦壽立節想神古今辨圖太息霖飈感林
草故人淚灑成烟想烈烈為虹絲則孤野野野野野野野
世父其子卓然宗人白日登光舉劍向山山山山山山山
扣天飛臺東好孝平父主良主父及良及良及良及良及良
繼我相相五五五五五五五五五五五五五五五五五五五五
情良情良情良情良情良情良情良情良情良情良情良情良情

有正味齋駢體文卷二十一

錢塘 吳錫麒 聖徵

論

友論

我知之矣暢飛暢舞之場千金萬金之壽名爐畫熱華燈夕張
雕俎勝乎蘭羞金尊湛其蜜醴卷衣之女有過乎三千下箸之
錢更加乎十萬傲北海之常滿忘東方之漸高若是者謂之富
交扶風豪士五陵少年馬埒鋪銅鵲裘裏雪結客之金瀉水照
人之膽生秋荅玉札以百函酬寶劍於一諾氣求聲應川泳雲
飛生慕相如之名死傍要離之家若是者謂之俠交至於輪輿
似水冠蓋如雲三枝檠戟之門二等金釭之第韋柔貢其顏色
載炙逞其諧談借片羽將以升九霄附一毛可以翔千里遂有

馮謹市義毛遂爭盟侯鯖合而王氏歡關雞鳴而田文脫所謂
炙火不知熱倚冰不知寒者若是者謂之勢交夫恃富者忘家
任俠者忘身竊勢者并至忘國夫子之門何雜比人之匪終凶
凡此三端實同一轍風其吹女膩能污人此翟公所以榜羅雀
之門劉生所以廣絕交之論也若夫總角從師十年講學檢冬
書而拾蠹披暑草而搜螢硯席必與借出入必與共似乎晨夕
相思不迷乎風雨華實異用均贄於韋茲何以口舌偶愆膠漆
立泮談性天者詆謨乎高密習訓詁者訾議乎新安門上之莠
未除室中之戈已起憤言騰于酒座詈吻肆於賓筵學問之交
亦如是乎且夫長虬遇困而泥蟠喬木經冬而霜肅則或易衣
而出含菽相過打頭之屋難申枵腹之談不輟方謂升沉有命
顯晦何常他時富貴之遭無忘車笠之約豈知雲泥路絕茵溷
花分嗟采葵之傷根將墜井而下石雲雨倏忽翻覆之手可成
日月變遷炎涼之態難隱惟見揚眉高視袖手無言似半面之
乍逢無一毛之可落貧賤之交又何恃乎由前而論則如彼由
後而觀則如此然則出門而求有功伐木而思鳴鳥將欲避玉
質之無玷守金心之在中者不其難哉不知臨世濯足履綦乎
仁義之途希古振纓繩踐於道德之路清暉接于竹柏冥契合
於苔岑則觀其面可以見其心喻於水而不汨於醴吾見邪交
歇正交興嗜欲無所紛始末無所異其進也道自應乎雲龍其
退也德亦符乎霧豹求開徑之三益計樹人之百年莫不芬若
椒蘭歡如親戚衡宇相對則褰裳就之樵蘇不變則清談而已
其或巖壑肆志江湖窮年視宇宙爲匡居總古今於密席浩浩
乎落落乎泉石證其性情蟲鳥通其言語高山如面知己晤子

一琴良醞可懷新詩酬之斗情往如贈興來若荅無悔無悶與之終身

務本論

夫三農乃不涸之倉五穀爲司命之本古帝王翹勲稼政密勿田功展器授方順時覘土誠重之也誠急之也而况升才則杰我筆士肄武則登之戎行澤耒耜以詩書起丁男於鏡鑷微乎揆文奮武孰不從田閒來哉自末俗趨華流風日靡策堅駟良而未足營聲味以相誇利必折乎秋毫市且運其夏屋矯佩牛之俗翩翩騎鶴之遊大富無涯多錢善買鄉名寶主疇號長生曾無耕種之勞已倍田疇之獲或鬻良而雜苦或躡財而役貧逐末者日多力田者日少語云一夫不耕或受之飢言墮本也又况畫卯爭工雕薪鬪巧竭數農夫之力不足供一宮

室之餐乎今夫朝華炫采權假日以餘榮冬葉耀霜倏經風而告隕是以奢侈之禍甚於天災高明之家終爲鬼瞰每見淫人恃富貪吏爭昧木被綺羅谷量牛馬其子弟皆珠服而玉饌其僕從亦怒馬而鮮車開多怨之門蹈厚亡之咎懷璧其罪有齒自焚迫至磬龜無腹而難鑽儵鮐肱沙而求活然後知蘭單之駕勝于駿駮之齊驥也短絙之衣勝於組繡之藩飾也是以淵明作賦多說田園汜勝成書惟言種植當其厲身從事稅衣就工梓屮把土而不以爲勞擊藁除田而每憂其晚鶴頭鋤健龍骨車忙人自敏其播琴室何憂乎懸磬及夫三時不言萬寶畢登宿秉停蓄餘糧棲畝夕照則稻堆香重西風則翻板聲喧相與撈蘆渚之鰕漉茅柴之酒引觴嗚噓屢舞喧噉鄰有往來生無離別草屋低而竹籬短布衣暖而秔飯香以視爲名利之奴

競錐刀之末者欣戚異情榮悴殊致則守忠信以為寶與孝弟而同科夫是以純固敦龐而財用豐殖也然亦賴長民之吏司牧之大夫驅游食之民警惰游之習賜巨觴以示賞宣木鐸以趨功如馮伉著諭蒙書而民知糞種如祭癸為好農使而田不污萊與其栽一縣之花不若課千畦之稻與其擁黃袖之被不若行綠野之春而或且賦稅橫征差科滋擾以至剜肉無補瘡之計催租餘照水之瘕不懼沒民之生儼然居民之上以規為瑱又何誅焉方今

聖主同天稼穡惟實上辛祈穀小邛敦耕若墜之惻每勤如傷之念加軫

一人創於上百吏承於下人興兩穗之謠家有千箱之樂微生

花宇家授農書既叨珥筆之榮得遂歸耕之樂所願拓宮半畝買山一區肆地母之經補齊民之術流連耕鑿歌詠太平自號場師略言田意惟冀芻蕘可采不以老生常談而棄之亦厚幸也夫

韓信論

夫震主必危之說明哲皆知感恩効死之心豪士所重以信之智能料敵兵出如神卒之淚灑藏弓身糜晨牝者何哉誠以解推之德背之不祥而菹醢之誅甘之勿悔也故其未遇也浮沉下里落魄郵亭蒙野人與塊之羞有邱嫂戛羹之憾蛟龍失水刀劍埋沙桑下餓人仰首山之食蘆中窮士割漁父之餐當其時漂母一飯之高情卽淮陰千秋之知己也既而策窮說項志在依劉延頸希伯樂之知無人於穆公之側蒼黃失主亡命行

閒湯火居心逃生鎖下連敖一試都尉再官低首未能脫身欲
走自分森森駿骨台葬青山嫋嫋魚竿終淪白水矣而乃丞相
追亡赤燦方怒列星拱北上將先明漢王從諫若轉圜用賢如
不及遂舉全師而相授不顧一軍之皆驚以國士之無雙策雄
關之百二以大將之壇坫開全漢之山河聲名動一日之中旗
鼓耀九天之上其任不可謂不重矣其遇不可謂不榮矣於是
首振奇兵先飛嚆矢驅市人而使戰命裨將以傳餐鳴鼓地中
乘木罌而竟渡置人壁後樹赤幟以無聲用以鳧藻戎行臯牢
豪傑然後北首燕路西以滎陽東定臨淄南會垓下指無不尅
來卽受降遂使蟲沙化穆滿之軍肩髀起蚩尤之家凡所以立
臣之功者皆所以報漢之德也何意譎言交作厚誼不終表東
海之風遽煩躡足田江雨之夢創爲偽遊計旣定乎良平位乃
辱之絳灌信無負德漢實寡恩迨至爰書成執手之言鍾室作
酬功之地蓋欲逞野雞之毒而先及於臣必有人箠之心而後
動於惡不待乘輿之返先爲三族之夷此呂忘也論者謂謝病
之旨缺望旣明奉教之詞或非無據不知識時務者爲俊傑共
大事者必英雄向使利果滑心貴貪相背則當據淮泗之要擁
甲兵之強從阪上以走丸使渠彌於有隙局分鼎足人奉眞王
正不特狗未可烹亦未知鹿死誰手何至假精兵於異地托心
事於孱夫設計未成剗腸已及爲天下所謬笑也哉論者又謂
人臣不貳君親無將信也心已奪於先入之言機乃動於臨終
之悔不知彼婦之口職爲厲階攘公之瑜實爲陰禍信之憾亦
憾爲女子所賣耳果使天威不測臣罪當誅卽或怒欲生濤寬
將飛雪寧齒吳庭之劍敢嚮杜伯之弓而况半世飄零十年知

遇豈有壺漿之惠報以千金而卵翼之恩視同一映者乎大抵
史臣附會每過深文吾黨平反要持公論淮陰之不反實可以
理信之淮陰之不能不怨又可以情度之若漢高者征伐威於
天下而殺戮聽之婦人至於大風之歌興思猛士安劉之策待
之絳侯未嘗不悟呂氏之恣睢而致功臣之飲恨也然而晚矣

光武論

在昔王莽之世天地睚刺黎民繹騷一人之貫已盈九州之禍
且亟凡有軍張漢幟人冒劉宗者莫不逐鹿相爭揭竿並起龍
聲紫色先効其驅除鬼火狐鳴各雄其嘯聚而帝乃乘元二之
厄應赤九之符兵聚平林馬收新野號召豪傑滌蕩凶頑雖軍
容未耀於南都而逆首已傳於宛下讀史者觀夫昆陽雷雨屋
瓦皆飛漢官威儀父老垂涕未嘗不歎天心之克竺人意之或

歸王者之徵有天下之券也今夫龍奮大澤因疾雷而上天雲
起泰山不崇朝而徧雨似乎聖人受命萬國同風固宜易若撥
麴疾于卷籜而乃馳驅河北經略關西辛苦累年蒼黃百戰天
下得其三二圖讖徵乎四七猶必待邯鄲之捷受蒲水之降令
反側而皆安度本根之既固然後徐窺關輔直挾瀋離寧王陳
毋野之師前戈已倒沛公受霸上之壘白馬前迎坐撫中原手
平大敵兵無血刃土有譁呼凡幾經馬上之勤勞莫非由平生
之慎重也故卽子陽竊帝季孟自王每騰隴蜀之書曲示丹青
之信方欲滅烽邊障偃伯靈臺雖洞此虜於目中且置二子於
度外乃自蹇人肆上天之志井蛙逞吞海之心徒令項蹶悲伊
橫來招汝卒之精兵臨於坻上羣帥會於巴中一丸之泥封函
谷而莫及八公之子號成家而未由瓦解冰消鳥飛獸走奉一

統而歸真主總六合而正皇畿豈非天哉豈非天哉夫靈祇保
綏顯命也沉幾先物內心也承炳若之休運廓如之量恢復疆
宇茂育羣生若徒惜赤氣於春陵祠白衣于下博謂之天授於
人事何稽焉故觀其親提義旅從事戎旃雍容長者之風颯爽
真人之氣雖以寡敵衆而景附者雲從雖以弱禦強而威攝者
蛾伏任一心之灑落感泣降人問二帝之遨遊笑迎說客積誠
而後動衆決策而後行師拊本引綱高掌遠蹕陣擁虎牙之將
甲齊熊耳之山嗚呼盛矣迨至明堂祀天清廟格祖上膺乾錄
重廓皇綱萬里消塵四方無事修明禮樂則有淑世之功輯睦
宗蕃則有睦族之化釐舉政事則有宵旰之勤尊禮賢才則有
吐握之美訟獄衰而生齒盛學校建而經術明究治亂之幾講
因革之要一生以息民爲主天下撻柔道而行赤制延乎將衰

炎精挽於旣絕古今來中興之主誠未有如帝之盛者也顧或
謂百辟以敘勲賢三公以資弼亮是故安劉必勃輔幼惟光卒
能再造元黃用寧區宇若帝志存矯枉鑒在懲前酬功假恩澤
之侯優秩杜風雲之路致使末流不振喬木安求德陽擁立于
中官清河擯落于外戚其本之終撥者亦由人之云亡也不知
詐繼明章道同文景王陵以後非若所知與其趙醢功臣誅夷
壯士何如釋甲于坐談之頃解兵于杯酒之間富貴而歸故鄉
功名以終暮齒臣之幸也君何尤乎大抵帝寬能容衆而英察
要足以馭之哲在知人而渾厚又足以綏之故雄才大略而不
顯其奇兼容并包而若忘其大雖其誕膺景命早應靈徵往往
專信緯書過尊內學鄣南告帝稱述卯金司空命官附會元武
是其偏也又或總攬庶機刻繩吏治未免位虛鼎輔權重有司

然君房入朝而寬大之詔下長孫建議而督察之令除以關仁讓之闡以開塞晏之化日月之食何得而譏故不特開心見誠同符高祖而經朝庇野治具畢張蓋彬彬乎質有其文謂與三代同風可也

吳蜀論

慨自蒙孫委馭神器弛維海水羣飛攬槍橫掃當塗假黃家之私讖攘赤帝之遺至虎踞中原龍爭六合鄙句吳爲阻穴陋庸蜀以烏窠幾欲刷馬洞庭洗兵劔閣逞鯨吐之氣成席卷之形而乃宙合無期鼎分已定一則經營吳會一則締造巴渝以地論之似蜀隘而吳張以勢觀之實蜀強而吳弱也蓋吳藉父兄之資據三江之勝江湖有繞雷之固東南稱厥產之饒煮海爲鹽使船若馬家藏鶴膝戶習犀渠乃西取石陽而無功東攻合

肥而輒敗曾不念腹心可結唇齒相依而爐火乞憐珍滋効貢徒灑都亭之泣業叨九錫之儀迫其後誘王凌於阜陵譎曹休於皖口狐自埋而自措鼠一却而一前貽誚辱王虛張暮氣策遼東而見侮竊帝號以自娛祇強顏耳曷足貴乎若夫蜀則不然方火井之再炎以宗枝而繼統君臣一德魚水交歡申正論以折強鄰慨偏安而圖王業馬谷燒而夏侯見馘矣樊城溢而子禁乞降矣摧張郃於木門走王經于洮水叟兵如虎漢將皆飛當雲長威震之時則阿瞞有徒許都之議及諸葛師興之日則司馬且甘巾幘之羞借雞肋以解嘲竭智囊而莫敵此豈吳人之所能希其萬一哉而且三年息士五月渡瀘兵法攻心輿圖在掌必南人之不反斯北伐之無虞迨至深入不毛直窮狡窟三捷三捷七縱七擒封函谷以泥丸鎮交州以銅柱然後屯

兵渭水決勝中原蛇鳥圖開風雲氣肅果臥龍之不死問殺癩
其安飛奈何籌筆云勞鞠躬告瘁方憂食少遠見星流嗚呼天
哉或者謂武鄉殂謝不少朝賢玉壘森嚴可安陞制何以未見
銅駝之埋棘早先紫蓋而入朝乎不知蝨賊內訌朱儒是使引
巫鬼而入室同燕雀之處堂語夫斫石之悲固非用兵之罪矣
且其時閣道雖已不支編竹縱然喪旅然姜張方乘其後羅霍
各保其隅倘使天命果長王靈勿替安知鄧艾之不先就檻鍾
會之不遽還師乎奈何謀創譙周書騰卻正騾車既駕肉祖何
辭不歸望帝之魂竟作降王之長陴其笑矣又何譏焉或又謂
末造不綱無庸深論乃當其先氣可吞乎許下而兵屢屈于江
東抑又何也不知南郡受師釁由叛將穉歸致跌禍起憤兵勝
負之常國家何害所惜孫郎關主阿蒙下材但逞狡謀不知遠

略乘同舟之好忘歸妹之盟以致強敵生心老奸得志始則假
夷以肆楚繼乃滅魏而及虞至於鐵鎖江沉石頭風利禪固戀
此間之樂皓卒輸歸命之誠此則東吳王孫可不必致詢於西
蜀公子也

李泌論

從來審機定國莫先根本之圖竭志効忠最難骨月之際是以
淮陰決策傳檄三秦留侯定儲借榮四皓蓋腹心既據全局之
勢可收羽翼已成偏衣之禍斯絕君子觀范陽之計盡國本之
維持未嘗不歎鄴侯利天下之心安宗社之計其道甚大而惟
其有用有不用為可惜也當是時漁陽鼙鼓動地北來蜀道青
驃蒙塵西去淋鈴響雨烽火燒雲望車駕于馬嵬拜冕旒於靈
武固已洞觀地勢熟察時機果使光弼出自太原子儀來從焉

翊精兵四集庸調齊行首尾互為救援南北競相犄角斷阿華
 山之臂掃曳落河之鋒則露布歡呼送頭顱於萬里風聲礪駭
 化蟲沙之一軍豈不迅復兩京早歸故鼎而乃以頑接踵戰鬪
 頻年虎據龍爭瓜分豆剖皇居重奠未上中興之書帝制白為
 卒成方鎮之禍失要著于樹維局裏隱女戎于戰士衣邊其咎
 在用牝司晨實帝之以規為瑱也然而莘野不忘乎斯世東山
 實繫乎蒼生以故垂老憂勤累朝匡濟塞貨賄之路抑筭俸之
 權申喙于羣口之場批鱗于九重之上寶鞍杜寵盤面除姦
 回紇而和戎之利行絕吐蕃而割地之議息府兵可復咸資趙
 過之田運道新開如築李冰之堰乃知天生李晟本以為唐敵
 拜令公呼之為父至德之後鼎足而三矣且夫攘獮應兆禍啟
 十晉姬掘蠱飛讒獄成于趙虜自古青宮失恃亦吾生災往往

搆中生之災致戾園之慘故貞觀賢而承乾廢開元盛而子秋
 誅萋菲相乘厖涼莫救而郭侯始值肅宗之昏闇繼當德廟之
 猜疑卒使少海安瀾前星朗照黃臺摘瓜之唱天子改容紫殿
 抽笏之爭老臣流涕蓋諫之不入則以理折之意之既回則以
 情動之故能七鬯無驚黃離元吉巖子陵足方加腹款語周旋
 安金藏刀可剖心孤忠激烈非其誠積於中而義形于色亦安
 能如此哉論者謂旌別淑慝大臣之權登崇峻良冢宰之職何
 以浮虛若房瑁而救之於前峭刻若竇參而進之于後豈褚稱
 殷浩但慕風流亮任李平遂忘鱗甲乎不知苛論或繩其小責
 而君子宜衡其大端觀其慷慨論人幽潛訪士察韓滉而保之
 百口識陽城而起自中條迨至暹米船來軍士齊呼萬歲辨姦
 疏上武臣亦賀太平可謂得延攬之真才并當受薦賢之上賞

也論者又謂身膺朝寄何慕乎神仙志在民瘼敢貪乎泉石何
以棲蹤鬼谷遁跡衡山遽裁隱士之衣有慕上真之訣豈致身
仕宦必爭徑於終南受釐鬼神將備問于宣室乎不知功成思
退履滿憂危鴟夷本有託而逃巢由非買山而隱不過藉烟霞
之夙好明淡泊之本懷河上丈人曹相且傳師法穀城黃石子
房亦奉專祠固不得比方士之荒唐例靈壇之愴悅謂好奇而
溺志不略跡而原心也獨是進退每窮於遇浮沉莫盡其才方
策蓬萊之居旋匿少游之所既召之於政府復移刺于澧州倏
去倏來三仕三已家傳過于附會史臣多有詆譏而要之任軍
國之憂荷宗祏之重著勲名于當世炳事業於千秋跡其本末
不渝出處無愧松枝隱背依然一个山人芋火開爐領取十年
宰相雖其遭際之不常不已身名之俱泰哉

岳飛論

假使金牌不召踴躍行兵赤幟高張縱橫殺敵則軍聲雷動呼
蒼兕以渡河饒吹風清抵黃龍而痛飲洗中原之恥雪窖平填
收再造之功烽塵淨掃返江山於大宋慰父老於長安玉輦再
來銅駝無恙豈不功名赫奕臣主俱榮也哉又使龍門未暴鵬
翅不張精忠之褒無聞於廊廟中興之委莫罄乎腹心但畜豫
讓以衆人不識真卿為何狀則麻衣歸葬可以棲遲墨經從戎
曾無敦迫雖使志存恢復心在戎行而不逢知己以酬恩豈得
謂武臣之惜死乎雖然士以璞貴匪則則光采終韜蘭以膏珍
不煎則馨香不烈是以碧三年之血慘結萋安雪八月之濤怒
生伍相淮陰鐘室負呼天莫白之冤斛律涼風餘剗地難除之
恨古今同慨豪傑為多從未有補已缺之金甌論功行戮反將

消之玉弩爲敵報警如斯之太甚者也當是時南渡倉黃主臣
失措北盟怵迫家國傷心僅邀泥馬之靈小據金牛之勝夢兩
宮之環珮雪虐風饕畫一角之煙雲山殘水賸使果憤思克敵
慨念蒙塵方將由竈上而騷除誓軍中而深入而乃書傳半臂
歸杜宇以何年地換斜陽付黍離於一歎自限龜茲之國竟忘
賀首之仇誠以曳等青衣晉主不聞返國而迎須精騎唐宗未
免移宮與其奏雙勝之環不若定偏安之局與其遣奉迎之使
不若修望祭之儀而猶有議欲敗和力求勦敵者卽未招衆論
之排固已爲一人所忌也已而况檜樹之玉枝早茁秦城之王
氣方興心可格天同獻二郎之士頭能壓日全埋五國之春觀
其議自柳林歸從漣水彼旣收之掌上我乃墮其術中妖星入
奴僕之官毒霧起平章之筆古未有辱王在上而奸人不竊柄
其間古未有權臣在朝而大將能立功於外一旦環稱主賜旃
促軍還空勞冢傑之向風徒恨書生之叩馬城燒赤舌野哭蒼
生蓋自畫淮之議旣成而中原之地不返矣論者謂出郊不復
內御關外制自將軍苟利國家仁軌之所以降百濟也力陳兵
狀子公之所以斬郵支也當日者勵背危之卒策赴義之軍亦
何難星掃檣槍風馳旣脫不知君言不宿臣罪當誅匪特不敢
以昭昭天日之心稍逞其矯矯風雲之氣而且兩軍先解二帥
方歸已奪外援難爲孤注使螯弧莫靡於城上而屬鏤早賜于
軍前功之不成忠將安在是以拊心河洛寧盡棄其前功唾手
燕雲且徐圖夫後效此固事君之誠也抑亦揆幾之哲也無如
蠅營未已蝎譖難防鬼獍藍面而元老亡鳩唱白浮而長城壞
誠以飛一日不死則和議必不成飛一日在朝則已身終莫保

不知其玷相視若讐天縱毒於一梟市交譁乎三虎復有雕兒
統制員錦潛昌冲正先生牝晨相煽亭上之風波橫起獄中之
白日孤沉三字鋤忠一身報國遂使酌平安之酒強敵歡呼跨
偃蹇之驢老臣涕泣嗚呼痛哉然而北寺從容曾無抱恨南枝
森竦終不忘君共愛壻以同歸合佳兒爲一傳節義昭乎史冊
忠孝聚於門庭銀瓶井邊黥黥女貞之樹金陀坊裏淒淒家難
之書罄地皆悲纘天斯應迄今祠堂耀於巖戶碑碣映乎山嶽
以視借木分骸將銅鑄臭者朝廷改謚且申旣往之誅孫子揚
軀莫幹從前之蠱彼乃貽羞於萬口斯亦何憾於九泉古所謂
殺身以成仁者其是之謂乎然則公之死雖質恨於烟霞公之
烈自爭光於日月矣

宦官論

昔周禮設闈人之職秦風稱寺人之令宦者之興聞之古矣然
不過謹司灑掃備役掖庭號爲中官無與外事乃自齊桓九合
之烈師漏於多魚秦皇再世之威權移于指鹿傾軛莫救覆轍
相循弩牙發機城狐益肆貝錦交織市虎滋疑病隱中乎膏肓
勢且危乎社稷在薰胥巷職罪又何誅而特怪乎用之者之迷
而不悟也其故何哉一則取其意旨之善承也伺起居頓笑之
節巧作逢迎假狗馬聲色之娛動邀憐惜寵爭煬竈賢謝委裘
盜彼驪珠危其龜鼎五將軍並貴而左瑄乃號回天十常侍同
尊而張讓至呼爲父乃知宮卿執政媪相持樞率皆潛邸私人
深宮近習故能轉移霜露呼吸風雷其始則多方以誤其心其
繼則伏已而監其腦蓋由來者漸也一則利其陰私之入告也
訶人牀第之間有同乎宵謀逞其鬼蜮之技但借乎神叢以小

人之肺腸寄大君之耳目倡余和汝捉影捕風故朝廷患在比
周則用節甫以治鉤黨朝廷患在蒙蔽則用恭顯以令中書但
憑北寺之風生坐致西頭之勢重而彼昏不知也於是而政柄
歸之矣金鑑右貂領卿署之職首茅胙土膺五等之榮合謀則
齧臂而盟迎立則截衣而誓跡同公正幻挾譎張招納衣冠勾
連宰輔相如呈身于狗監稚圭籍口于宏恭莫不勢可薰天熱
能炙手甚且翁張王佞附合庚宗王聖寵而李閏與趙媵尊而
霍王用釁成于宮鄰金虎禍極于委鬼蒺藜誰生厲階自貽伊
戚也於是而兵權屬之矣樞機之任專之中涓監軍之名付之
近侍府開神策使領軍容有短垣而自踰持太阿而倒授將帥
受其統轄禁寢伏其爪牙君子讀魯公爭位之書劉蕡下第之
策未嘗不撫膺歎息流涕欷歔無如蔓草難圖尾大不掉銀燭
畫地數罪王宮酒室更衣橫尸帝座逞其無君之心濟其弑逆
之惡蓋漢惟任以政故隆棟之凶終而唐并任以兵故蕭牆之
禍烈至於太原鼠竄榆塞龍歸憬童太師之威名未忘疇昔招
王先生之魂魄慨想生平餘孽尙存大禍未悔亦獨何哉亦獨
何哉而且固利是求矣上有好貨之君下有聚斂之臣校尉有
甚摸金三郎但歌得寶是以西園諧價賂賂盡入于黃門官市
徵錢門戶莫逃乎白望猶嫌貨主之惡不知反爾之憂固已細
刮龜毛無遺雞卵若夫應奉之使出礦稅之役興珍樹一空銅
苗四採搜巖剔藪齊充花石之綱竭澤焚林但識金銀之氣徒
瘠民而肥己終病國而殃身當時第館擬於王宮珠寶盈于庫
藏究之灰飛瓦裂霧散煙埋莠尙在門亡不旋踵誰其作俑諡
曰至愚而且淫刑以逞矣毒流塗地惡極滔天誣織縉紳飛讒

宮禁檻車逮繫乎卿貳緹騎絡繹乎封疆與張儉並告者二十
四人爲李鷹連坐者二百餘輩復與就考銜斧甘熬刑並囊頭
法多沉命雖范滂獄裏不祭臯陶楊震墳邊終致大烏正直是
與靈爽不渝然容虎豹于九關大何此醉縱豺狼于當道人實
無辜自炎祚之將衰逮明綱之不振北寺未已東廠旋興慘慘
黃沙幽幽白日竟莫澆乎秦獄血難剗乎齊廷遂使目痛神姦
胸填義憤喧呼市井如鳴博浪之錐拚擲頭顱并葬田橫之島
直至陰雲解駁太陽升空盡翦凶璫得除大慙而本實先撥國
隨以亡嗚呼痛哉大抵刑餘之醜本質已虧妻妾旣謝于此生
子孫莫傳于來體夕陽易過槁木無春倒行逆施憑權藉寵幼
君受其回惑中主失於隄防賄賂滋章官爵冒濫逐刁之議不
密其先聲而反戈者遂得而圖之弔讓之風且援爲後例而希
風者又從而甚之借蠶尾以防身聚楊花爲義子清流擠之白
馬末路合乎黃巾此防微者所以有集霰之憂履霜之戒焉亦
有史游勤職呂彊効忠張承業之不愧唐臣李舜舉之能抑近
侍固皆自修操行足媿鬚眉卽明代如張永王承恩諸人亦能
鋤姦于中間殉節於煤山可增此輩之光並煥史書之色泮林
食黜而鴟變其聲春氣爲仁而鷹改其性亦惟人主之鑒觀在
上駕馭有權而已我

朝宮禁密清中外嚴肅內官無過六品近侍不接羣臣惟用以
掌服物之司効奔走之力正不必兼用朝士示禁缺牌而威福
不移紀綱畢立夫是以久安長治而天下太平也

不殊跡跡畢立夫是以八安具前而天下太平也
筆艱妙之同然發去之六五不必兼用博士示禁與觀而風跡
牌宮祭密密中似類讀內宮無盡六品或君不封羣引封以
土黨勉有辦而日非

貪黷而惡變其羣春辰為口而烈如其封亦封人主之聖麟亦
隱茲于中間似猶似其山日飲血輩之武並魁史書之白平林
封固皆自封辦行只數處首明明外收却亦王不恩前入亦誰
言史執博類白圖收忠聖承業之不則書曰李我舉之誰非也
愚末親合平黃中地內游者以言禁齋之憂與課之無語亦
愚者又發而甚之尚輩承以切是聖聖蘇蘇蘇于古亦封之白

有正味齋駢體文卷二十二

錢塘 吳錫麒 聖徵

碑

重修祥符寺碑

夫行方便之法者彈指而現化城持精進之心者涉足而逢影
窟況沫吹大海卽是樓臺沙數恒河無非世界總閻淨而論宇
究虛空以作身無始無終何去何住豈必給孤園裏煩長者之
布金堅固林中冀鐵王之贈席也哉不知法輪並轉帝釋自有
一天寶相同瞻菩薩原分十地雷音為說法之所伽耶實成道
之場啟入正之通門闢三乘之廣路要必有雞頭號利雁字成
堂極虹梁紫柱之奇擅螭角丹牆之勝者而後足以輝龍象悅
人天界顯莊嚴地稱功德蓋從無生有而無乃有因就實追虛

而實爲虛證植喜林於方寸培淨土於現前合眼此觀回頭彼岸矣杭州城西祥符寺者乃梁大同元年邑人鮑侃所捨宅初名發心院唐改爲龍興寺至宋始改名太平祥符寺者也招隱之區未忘乎仲若飛白之跡已改乎子雲當錢氏有國之時正梵教南行之日石牀作禮精修布薩之儀金塔結緣普示尸陀之變助千花之鉢欲瀉龍宮描滿月之容亦煩鸞手於是銀繩密盼璇鏡高懸白鶴盤空似驚舊錫丹霞曳曉卽挂新旛法鼓震乎迷津清鐘警其覺路佑王以富貴保王以功名衣錦營開共識將軍之樹水犀軍出潛回羅刹之濤九重之鐵券酬勲五色之綵繩圍宅流傳故事誇買夜以千金延佇後游記觀燈於九曲時也三衢並照百寶兼輝飄密燄於瓊霄駐飛煙於綵樹雕輪綺蓋交填歡喜之園西漆南油分耀光明之域織幟如穿於珠裏游魚若舞於湯中會是無遮城真不夜香聞座上亂落天花聲在樹間自搖音樂此句標玉局猶堪想像於酒醒而志闕咸淳不禁低徊於梁熟者也無如桑海易遷星霜屢變鐘磬謝蕭梁之響蒿萊愴吳越之遺落葉積而寒螿啼荒苔深而暗螢出嘶聞白馬難全雙樹之林刼換紅羊徧是三災之石聽鳴機之幾戶割去斜陽訪種菜之一畦踏來秋色求所謂百井之錯絡九里之廣袤故址不存數椽僅託重以雨風剝蝕鳥鼠摧殘瓦穿青豆之房廚缺伊蒲之飯乾竺之威儀莫覩華嚴之富貴無聞佛坐枯禪僧參破壁蓋其頽廢也幾百年矣然而靈光歸峙恒牽賦客之思銅狄摩挲且動故宮之感況復支那勝蹟阿耨通津問逸老之居燈傳無盡湖狀元之局花發依然香火緣長巾瓶契在每當光生般若繞瓔珞之四圍風起毘嵐動袈

袞之一角慈雲欲活慧日先明不愁隻履之西行已見一松之
東指固知瑞徵光相早瞻羅漢歸來塔表祇洹佇卜相輪飛至
也已爰有里人徐翁某五世長者二梵福人種無礙之慈推已
度之想統諸眷屬共發菩提從掌上以舒金就指間而雨寶靈
關西闢周行不捨之檀智炬雙燃永續長明之火在昔德勝童
子土剎助齋茉莉夫人香瓔獻佛寄二花而供養緣結瞿夷送
半果以研摩功成阿育要皆以斯宏量酬此夙因釋某某等累
遣十纏神超八解楊枝漱齒唱演真言榆櫨繙經貫通秘旨爲
婆羅救度踏破草鞋爲毘勒護持橫擔榔栗片木屑竹頭之用
及義漿仁粟之施莫不運慧刃以助般斤轉智珠而營慈室呪
回枯樹如游蒼筤之林移到靈泉可證芭蕉之水遂令白毫夜
涌金海農鋪坑帶霓於生臺紛瓣華於忍殿青紅四壁罪花燠
種之因紺塋三尋威鳳翔翺之飾別經幢之辭暈重辨唐年洗
文發之苔斑還咨宋號搏沙感往積贊期來土木崢嶸勝蒲靜
整奏妙聲於琉璃琴上兩美館於護世城中曾利十方無住乃
爲常住圓成一切應身斯是法身大矣哉下官梓里思惟髮年
頂禮聽月中之清梵如在魚山尋世外之高賢宛來蓮社米汁
無戒學彌勒之禪柏子可參得祖師之意鹿苑未忘乎前度龍
華幸會乎今朝收拾墮樵邛張新構雖廣場未拓前志難徵而
坐廣衆於針尖神通不小納大瀛於毛孔身量何窮爰諾羣言
勉爲斯製學慚梵志徒誇鑠腹之銅法說生公願效點頭之石
銘曰

四百八十寺數南朝花飄書雨梵佛晨潮隨方景附龔構爭翹
宅傳捨鮑宰記題蕭十寶虹流千燈霞熱慈輝可依聖火無滅

現光明拳旨廣長舌了此音塵莫可思說我頌我佛皇矣能仁
濟物無物捨身有身真俗兩諦化應一因花間坐我果裏藏人
愚生莫知隨諸苦惱藤鼠意成井蛇心造滄瀨徒焦黏蠅易槁
誰空四纏得皈三寶時惟大覺普照幽塗拔離火宅明示衣珠
一瓶淨水七箇團蒲不有於有何無於無世界風尖修羅兵劫
如網之吹如眼之眈大夢千年小叅一霎會得苦空了無廢法
我來初地喜還舊觀寶衣欲舉天琴自言微窺月指妙論風旛
龕童効怵龍衆騰歡簡栖頭陀子山麥積式闡禪風長流梵澤
芥子積城羅衣拂石石泐城空此碑不易

梅里重修泰伯墓碑

夫潛虬矯跡神泯于無稱拙魄示冲體貞于三讓是故瓢棄之
士甘沉淵而不辭庭脫之君追燻穴而無悔身將隱矣焉用文
爲豈有陟降在天戀以柏以松之樹歸復于土計若堂若斧之
封者乎然而許由之家見表于龍門季札之碑獲題于尼父惟
其寄情冲漠息影軒冕只此一坏之託彌感千秋之心而況君
父爲大庸行敦其再三神靈不渝世家列之第一如無錫縣梅
里之泰伯墓者至德不著淳風載揚霸業創于支孫王禮申于
異代我朝追維潛躍用沛

殊恩

特賜帑金俾修元壤屬以日月旣邁榛莽易滋邑人蔡維珏等
仰體

皇謨藉安神漠乃於嘉慶乙丑某月重葺治之將刊貞石以闡
幽光禮也說者謂翦商之志詩言有徵改元之文後事可覩伯
預料征誅之局隱示揖讓之風欲使殷土常留毫社無屋是則

採南蠻之藥何異歌西山之薇其心則濱海之逸民其跡亦遁
荒之王子也不知當日者朝方走馬居且契龜甫脫于戈粗安
疆理乃謂棄國于來攻之狄而轉生心于服事之商有是理乎
況使賢君代作頌上中興元子受終爭無太史則撫茲九有荷
其百祿商罪何至貫盈周命豈容未受伯固無此深計也伯亦
罕此前知也惟是西顧之眷在于明德王業之興決之聖瑞既
已心惟帝度武待孫繩伯身處青宮目游黃屋同是吾君之子
敢私天作之山一旦勉爾遁思成其高蹈喆仲偕往皮冠永襲
論體志則爲孝言守節則爲忠不必徇讓商讓周之名并可息
立長立孫之議飄然長往無德而稱焉然而遐取避跡荒服僞
居遁孰能臣歸還如市襁屬而至吳趨習爲土風端委而臨周
禮恭其祖舊萬世以之貴斯謂至人後代莫能希是誠大讓宜
乎高山仰止獨行欽承一篇次第乎魯經一等尊崇于史表也
在昔陵名下馬實爲董相之墳地扞採樵重其展季之壠若伯
也協靈緯耀陶化宇宙而乃周京永歎難期五世之歸樂水相
望已憾前和之齧若復元堂璧墜石室蕪平固知神罔怨恫毋
乃民增愴惻也乎茲者徵求故聚合耦平墟挈畚合糧荷雨從
事崇封七尺踵麋豹于前守冢一家繼殷師于後山陵之兆應
乎歸藏宰木之增固其風氣因求紀實用敢摛文有玷豐碑藉
松楸而掩拙自慚後裔過墟墓而生哀云爾

杭州重修郭汾陽王廟碑

杭州仁和縣西新莊橋有汾陽王廟不知何時建也嘉慶甲子
里人重修葺之屬余爲記竊意名垂駱越斯營新息之祠德被
燕齊乃立樂公之社棠舍勿伐桐鄉不忘澤之所貽禮亦無替

王則始平關內轉戰西陲未嘗渡江而東何與報功之典豈張
許之忠義吾郡可以並禮李郭之勳名西湖亦當同祀乎不知
唐之國祚王復興之唐之天下亦王再造之惟河隴之櫓槍旣
掃斯江淮之兵革無聞故當安史鵬張戎羌豕突四方雲擾三
吳晏然迨至銀河洗兵鍊券申誓論其績固以其經營乎西北
隆其報正因其保障乎東南也方其學負韜鈴形占旄仗非常
之遺旣決之神語名世之器復邀乎英日然而日當隆午時際
太平則亦安北開疆但耕荒白關西出將能射大黃而已一自
獻馬豐生鬪雞識應軋犂山之衆突起范陽曳落河之鋒直趨
振武王乃承朔方之詔奮河曲之師西出井陘北攻趙郡方思
五軍禦狄三覆待戎以深溝固壘之謀爲探穴取巢之策乃少
師有寵不念速戰之危李陵喪師竟受生降之辱益至哥舒翰
靈寶之敗而潼關遂不可守矣當是時延秋門啟但聽烏啼
戾岡催更聞鈴語故蹕已趨平竄道新詔仁頒于靈武江山隕
涕戎馬傷心官屬星稀則拜無茅蒞朝儀草創則見尙麻鞋自
王慷慨提軍馳驅入衛觀龍顏于行在救虜旅于戎幕一成起
衆爲有夏之靡臣六月興師作成周之方叔威聲錫駭號令貫
行旗鼓風澄冕旒雲捧惟有王而朝廷之氣始昌亦有王而中
外之心乃定此固其始創之規模也及夫掃除大憝經略中原
搃同羅而馘凶穢滹津而鉏醜颺先蕩穢海且澆燹牛羊委而
谷量甲仗收而山積于是渡河誓衆重申蒼兕之呼壓敵陳師
悉合白狼之部或以身爲餌而肉是飛仙或從背出奇而隊真
餓鶻十五萬之風雷齊動百餘里之鉦鼓如喧虜盡目中師行
席上兩京有喜九廟無塵近迎真主之鑾遠迓上皇之仗父老

夾道呼萬歲而過師華夷縱觀慶中興而上頌國之福也王之
功也今夫緣鵠飾鼎者聞佐戰于鳴條坐茅以漁者賴致師于
毋野大抵功經耆定宇用輯寧從未有卅載戎旃一生汗馬纔
保金甌之無缺復驚玉弩之搖芒如是之倥偬者也又況凱歌
未歇齒盼已疎李廣稱故將軍廉頗爲假相國幾幾乎投荒三
徑坐老空山及至關隴再蕪戎羌並犯鼓騎逼奉天而近長圍
合渭水之東天子應豆田之謠痛野井之唁然後起王千郎弟
策王以馳驅募豨突豬勇之徒收新野平林之衆猶幸伯卿傳
檄兵旅悉從太真赴援將士皆奮宵炬燭天而成晝征聲動地
以如雷遂令兇獍徒林狐逃瓦穴故鼎仍還乎磨室銅駝無恙
于宮門不追見棄之由翻悔用卿之晚豈不謬哉而且首鼠難
憑猖狂未已風牛奚涉率俱來彼懷恩者忘拔擢之恩負君

親之義潛傾家國重結犬羊直欲踏破長安圖移主器乃天稔
首惡櫛木橫尸漢說匈奴呼韓稽首營門洞啓羣驚諸葛之旗
契箭遙傳爭望葉公之冑呼吾父而出羅拜馬頭見大人而還
全收虜跡其有勢雄搏噬捷鬪飛潛者而隻輪不歸敗孽無救
此王之以功名爲始終卽王之與社稷相維繫雖使位尊尙父
榮極人臣亦安足酬庸于萬一哉何意周且東征之夜流言四
興樂羊中山之攻謗書盈篋以王精誠貫金石忠勇動神明而
一沮于朝恩再沮于元振貝錦織其萬丈市虎惑于三人乃二
五之耦成奪其權而不悔尺一之詔下聞有命而卽行是以見
覘日消剝之而遂復以銅爲鑑磨之而益明甚至防墓闢崩祇
泣然而引咎戎杯告難亦祖示以無猜固宜誠以服人德斯感
物食泮林之莩鷓可革音化春野之鳩鷹先改性也已或者謂

隆隆者絕炎炎者滅故日中必彗月滿則虧王既成偃伯之勳
原可作藏弓之計則角巾東路徒步南岡又何必在蠅營蝸譖
之場畫虎尾春冰之館乎不知朽馭飛黃者其勢夢爭王室者
其心王一日之柄不操則釋騷者起王一日之權或謝則跋扈
者興故以老臣之鞠躬為中流之砥柱以將軍之大樹為萬里
之長城充國屯田戍河湟而制敵奉春建策賊秦嶺而作京莫
不舟賴濟川鍼煩補袞亦何暇自走煙霞之路別求松石之朋
也哉或又謂平津布被足表素風羊公緼袍亦稱清尚若于者
宜淡泊以明志何繁華之悅心乃史稱其窮奢極欲而人不以
為非者何也不知良田大宅文終之深心醇酒婦人曲逆之智
計當時猜嫌之主禪若箕裘邪慝之臣訐於內外王乃韜精嗜
好溷跡膏粱絲竹盛於東山尊壘豪于北海因防藍面聊屏侍
姬為耳清名方滅聲樂寧屈一己以徇衆人之欲不使吾君有
殺大臣之名其自全也正以全君也嗚呼李臨淮之旌旗終燒
赤舌顏魯公之名字已快豺牙獨王薏苡無猜蒺藜鮮困威聲
震於域外功烈炳乎國家神慶一牀象笏如積馮揚八子蟬冕
相華愛婿共喜其乘龍諸孫亦占其誇鳳王諸孫凡尚主者
三人見韓門綴學餐錢口
入而無算寶貨山積而不知至於驅使英雄王侯左右而帖伏
洞開闔閭賓客出入而無猜智勇功名古今罕此將相富貴壽
考圖畫以為神仙此其量無勿包神無勿燭所以方隅咸秩圓
首同欽亦如江湖之報賽乎靈胥宇宙之蒸嘗乎漢壽也廟修
於甲子某月某日畢功於某月某日規模式廓丹雘斯新咸屈
膝而拜庭苑凌烟而見像具官爵號諡悉遵史家之書瞻梁梅
檝題如入親仁之宅先覺遠同乎任聖西湖孤山三祠曰正氣閣先覺堂
遺愛堂祀王在正氣閣嘉慶八年

願賜區區諒蒙神許利市三倍報之桂醕

願賜區區諒蒙神許利市三倍報之桂醕

我我太華白帝垂旒金樞密運无精幹流汾陽挺出氣凌高秋
摩挲赤手斷割黃蚪禍始官鄰辱在神主關隴風烟漁陽鼙鼓
時維鷹揚為周室輔折柱鼇撐漏天石補乃夷外難乃定中原
旌旗不亂鏡吹微喧凶鋤繼野王入圍門雲陰解駁豁然乾坤
胡彼讒人而伺如虎胡此敵人而親曰父此奉心肝彼何肺腑
一時貝昌終亦誰侮論唐再造李郭稱賢臨淮畏逼埋恨重泉
鄴侯遠跡慕托神仙左社右稷重擔獨肩城府開張風雷收束
衣保功名以綏福祿勳業麒麟神人岳瀆肇祀朔方逮乎南服
歎太之涕人皆有之百川之障功胡勿思烽烟無擾兵革不知
敢以難遠祀典實宜吾儕小人惟知吉語說聽稗官併邀織女

新建蕪新王祠碑記

循錢塘門而北近羊角埂之旁則西馬塍在焉溪水所環通乎
舟楫城堞相接繞以茅茨其間有梅莊者乃宋韓蘄王之別業
也當時飛梁石磴琴室吹臺將佐相尋能識將軍之樹節鉞猶
在寧種故侯之瓜今則虛烟遠生積蘚彌望余門人陳花南司
馬僑居于此名亭而思賢者看竹而念主人就其側構王專祠
以奉栗主而屬余記之曰維王風雲之氣鬱乎懷抱蛟龍之姿
具見頭角有醇酒婦人之癖習擒生蹋伏之勇天生李晟原為
社稷人思郭令有如父兄當是時日月九重極目中原之路山
河半壁傷心南渡之名果使戮力神州密靖京室則岳家之軍
方熾順昌之幟齊張何難盡返兩河早迎二帝乃以王人之誤

國謂爲一德之滅天卒使強敵歡呼老臣涕泣水天雪窖北地
之魂不歸桂子荷花西湖之夢安在嗚呼惜哉然而事雖隔乎
千載功難沒于一時余嘗稽之往史證以舊文如王之勳蓋猶
可得而述焉徒觀其拔方臘馘苗劉攀木潛登度陰平之險持
矛直刺誅郿塢之凶免三窟而俄空鼠兩端而卒斃原不過營
魂小聚自蹈天戈蠱賊內訌致驚帝座固宜蟲沙易化虺蜴旋
消若夫慷慨興師縱橫決戰作五軍而禦狄期三日而取龍戰
鼓齊鳴將軍似從天下匈奴未滅男兒何以家爲此則爲人臣
効志節之秋國家決安危之日邀君之靈如天之福在此行也
君不見黃天蕩口焦山寺前壞雲欲飛白浪如舞起魚龍之蹴
踏雜鵝鸛之喧嘩三座瞻上將之旗四面勒夫人之陣老熊當
道豈貉子之容過長鬚無呼已餘皇之盡獲方謂旄頭夜落車
鼻朝擒旣冒鐵爪之鷹終羅玉帶之鶻乃楚氛尙惡奧祝偏行
縱火潛逃絕江竟去雖喪窮沙之膽還生滿月之心迨至京口
重屯大儀再戰揚鞭視指陷淖聞號龜池之兵衣服相亂肥水
之捷風鶴皆驚遂使地盡僵尸渠皆漂血項籍用江東之子弟
人惟八千臨淮佐唐室之中興功稱第一此固折衝之快舉抑
亦恢復之先機也今夫聖人不得已之用不諱言兵朝廷極可
危之時當注意將際此勢同牛角國等龜茲縱泥馬之渡江業
金人之辭漢而況諸陵風雨麥飯誰澆五國冰霜刀環徒望將
欲雪神人之憤慰朝野之思求煩牧于禁中策孫吳于闕外如
王者鼓其銳氣乘此勝風勵背寇之軍鸞却敵之弩上元張晏
卽奪崑崙雪夜出師遂擒元濟馳聲河洛唾手燕雲則誦采芑
之詩功褒方叔畫雲臺之像勲道梁侯豈不臣主俱榮身名並

泰也哉且王之生平又非徒慕効虎癡矜誇蠶銳已也觀其千
里決勝三步知方銅面示威唱蘭陵之入陣錦裘表異類神策
之出師往往履及室皇立當前疾鈴下皆絕脰搥胸之侶帳中
以投石超距爲嬉誓結英雄羣盜有投誠之樂笑看巾幗三軍
知怯戰之羞至于高鋒慧雲長轂雷野農歌不輟買船無驚方
且襄陽共感乎羊公漢沔無忘于諸葛乃罷兵之詔一發而難
收請戰之書屢上而不報亦獨何哉亦獨何哉于是白頭照水
青眼看山故是將軍寧爭鬪樂今稱居士但慣清涼杜門無復
談兵指口惟宜飲酒時乃扶奚侯月策蹇看雲登翠微之亭開
澄綠之堂念漠北而傷懷愴故人而眉涕幸免金牌之召不愁
鍊棒之熬願子孫無諱言忠想伉儷猶能偕老此則祈連冢在
總荷君恩午橋墅存宜稱古蹟者已今者數椽小葺一木重支
助以梓材永留堂構效老卒作花園之守用寒泉佐菊殘之伴
魂魄未忘泉石猶在王珣故宅乃營短簿之祠褚家舊堂遂奉
河南之祀而且死真可樂德必有鄰鄂國忠臣宰木如接冷山
使者神旗若招分贖水與殘山儼雲搖而風舉新淦之田不遠
縣上同旌靈巖之碣如存吳中再讀因重爲迎神之詞曰
雲倏東兮倏西望神來兮故棲神身在南兮心北以懷思攀髯
兮咫尺迷非中原兮余安稽白日兮欲下靈風蕭蕭兮吹雨罷
神錦衣兮馳馬又駕望大江兮流日夜鼉憤兮龍悲巨浪兮催
鬼東方千騎兮誰與馳開復合兮旗招之鼓聲不絕兮來毋遲
揚舲兮進解寇敵之弓兮箭霜倚狡狴以爲整兮甲更連鎖弋
狡鷗而墮空兮紛蟲沙其么麼呼蒼兕以渡河兮東風正妥指
黃龍之酒兮曷分我胡靈修之不諒余兮心阻絕於九天命白

雲以爲與兮載余以眠山猿兮噉噉山泉兮涓涓松門不扇兮
明月圓樂出游兮驢無鞭從負危兮童以肩安得射虎兮消殘
年昨夜兮花開盼神之歸兮花中來前有竹石兮後有池臺千
樹萬樹兮皆手栽勸神一杯兮還一杯毋念雪窖兮使心摧

憫忠寺新建謝文節公祠碑

夫志士成仁燭百折不回之節忠臣殉國守九死無二之心是
以誠積久而不渝氣凌寒而益勁子房博浪冀快意於韓仇孤
竹空山亮無心於周粟蓋留其身原以待於後日而成其烈亦
何憾乎生平若謝文節公者繼踵文山爭光君實氣凌嵩華道
繫綱常因其致命之辰適寓憫忠之寺今翰林院侍讀法式善
推

皇上褒忠之典示臣子守節之常用合同人旁新祠宇以修故

事以妥英靈禮也當其時蒼鴉出地白雁飛空六更之讖已符
三日之潮不至遂令杜鵑飲恨精衛填窟樹慘冬青天愁水碧
蟲沙盡化波沉穆滿之軍骸骨無歸鬼哭田橫之島公乃危城
屢入一旅孤提募死士以斫營犯長圍而告急無如前驅方及
矢已汰斬後隊難支林先喪馬團湖再斷茶取重逃草橋荒寒
麻衣痛哭妻孥慘慘贖無黃犢之人身世茫茫遇值紅羊之劫
豈肯草間求活塵世偷生然而呼吸僅存零丁後死人亦謂將
待百年之母藉成一代之書豈知其義不帝秦志圖存趙鏡屢
磨而更皎銅百鍊而逾精卜肆占爻則辨君臣之位鑰帷講學
則陳忠孝之經當世例以頑民天下號爲風漢旣已徵書莫逮
薦贖難招矣而薰穴驅賢焚山搜隱蒼黃一去丹赤全披觀其
拜瀛國而哀號讀曹碑而涕泗迴腸欲斷溢米皆羞蓋至燕京

憫忠寺凡不食五日而卒南入豈慚男子將以有為襲生竟天
天年乃稱無愧所謂雖死不死求仁得仁者公之謂也世每深
刻以繩賢者成敗而論英雄竊以安仁喪師信州失守機宜未
悉錯略原諒以致孤掌難鳴空拳莫戰不知公旌旗在眼肝膽
照人號召戎圍臯牢義隊隱若長城之可恃業已半壁之能撐
倘使護以風雲共爲犄角列將專屯乎鉅鎮扁舟游徼于長淮
決一戰而勝齊用三師而肄楚不特可安全乎饒信亦何難保
障乎襄樊乃洗兵之詠方聞償金之責已起豺牙宓厲貝錦潛
昌頓解兵心旋危國步徒令熒熒義士嗷嗷孤臣抱微子彼黍
之哀動包胥無衣之哭事之莫濟身隨以亡此公之心可信于
生前而公之名益光於身後也今者尾箕芒動上燭天垣香火
緣長近鄰梵刹是前代瘞忠之所卽先生遂志之區諏吉日以
清成望神旗其來下唱大招之曲感甚靈均歌小海之章迎回
伍相將刊樂石遠命鯁生問仁叔之錢一文可值磨橋亭之硯
片石同論愧記事之多疎幸發凡之有助一篇三千餘字請讀
建陽却聘之書五甲六百一人足繼寶祐題名之錄

惠州府重修朝雲墓碑

伊君墨卿出守惠州德修政平年興民樂綜百務而舉廢睇千
秋而闢幽其地有朝雲墓焉乃坡公之侍妾也煙積哀草風吹
墜樵踰歷已多蕪沒是慨爰捐貲修葺將樹石以志之而以書
來屬余謂敬始于維桑而責均于有土請揚厥媿毋吝其詞余
按公所撰志朝雲字子霞姓王氏錢塘人也當倅杭秩滿之期
正助筮來歸之日楊枝詞裏乍縮春風桃葉渡頭新歌團扇吹
篴之媼無礙平問名行雨之仙有徵于同夢想其蘭心密締薰

韻旁流擁警燈前散花樹畔何須金屋始佇阿嬌但對蒲團可
稱法喜公之集中亦再三及之固不自知其情之深也然使金
狻駝馬遷謫無聞豈敢放燒勾留當在會鸞鸞于北闕遨風月
於西湖則香焙朝衣酒擎翠袖燕于京之雙燭署郇公之五雲
尋活計於經卷藥爐賞珍滋于白梅盧橘同拈吟管小證情禪
良足以佐學士之風流叙閨房之樂事焉而乃投身瘴嶺送老
蠻鄉聆鸚鵡之方言感蝦蟇之習俗秋風一笛但唱南飛春夢
半生頓捐西笑孤蕩乎如霜之月遠隨于過嶺之年蒼藓從風
桄榔聽雨磨肌削骨飲苦茹辛纔成白鶴之新居遽動青鸞之
別兆綵雲墜地清梵飄天花墓一枝苦封三尺遂令淨域常榮
其貞樹瑤臺頓返其靈軒生之瘁也沒其仙乎在昔清娛之銘
藉傳于司馬館陶之誌取重于拾遺大抵借史筆之授張託文
之目念童烏而永歎歌哀鳳而淒其留約三生殉身萬里若斯
人者自宜長亭幽室重勒豐碑菊薦比乎水仙蘭口筮其季女
敢徵實行用慰明靈庶不同桃花夫人僅傳遺廟什梵天女徒
寫真容云爾銘曰

棲禪寺側大聖塔前昔埋慧照今表遺阡霜鍊峰眉雲移樹帔
竹根長臥花葉誰寄公去儻耳靈兮若依公返毘陵靈兮欲歸
名在真誥位證紫庭奎垣之內嘒彼小星神風躡虛絳節還駐
大江自東明月如故彤管招魂敦邱奠魄不朽伊人永視此石

大丘自東即民吹姑溪清源流既遠不殊世人亦既世可
各各真器也蓋裝到至世之內習如小學風氣漸衰而
許財其相亦葉諸若公生勤且靈分其必公或與幽靈分治體
數斷辛與大聖烈前昔聖慧照今表意刊露雖到自雲
寫真容三兩餘日

有正味齋駢體文卷二十三
錢唐 吳錫麒 聖徵
有正味齋駢體文卷二十三

墓誌銘

國子監生陳君墓志銘

君諱名世字興五初號荔村後更曰飴村嘉興府桐鄉縣人先
世由河南徙浙有諱德培者始卜宅於縣之城南今里人呼為
陳家石橋者是也近朱邑之墓鄉愛梧桐志許渾之居橋傳丁
卯隱德不耀道風自高君祖諱宗建生三子仲大與公無子以
季之長子為嗣即君也生有淳行夙標雋聲詩書之言能折乎
既著孝弟之性常如平始孩時君繼父生父俱在堂方敦花萼
之歡締荆枝之好美肱被潤春兩同聽王微句工秋杯相賞君
並承色笑藉慰晨昏以為費用可以養親質遷亦云繼志青檀

輟請黃札罷管衙頓術精王陽金富重新樊重之室潔治君魚
之餐洗竹邀涼巡花候暖凡所以娛視聽輔神明者無不至也
雲歌歸影風無靜柯爰遭繼父母與生父之喪侍疾有類於中
郎作孝幾同平崔九至行純篤人皆稱之後諸弟先後移居君
獨居夏家浜老屋衡宇相望雞犬時聞上泗下泗之間交通水
竹大山小山之號並寄煙蘿每當風奏波前月生林外捉松枝
而談理引荷筍而滌煩樂意洽於禽魚和氣被之花木怡怡然
秩秩然崇本誼也奉先型也猶復財輕若擇義重于山置驛通
賓停觴待客晉大夫之簞食時載桑間齊公子之券書多燔市
上貧宗賴之炊舉素士仰其錢通莫不操量鼓而虛來指困倉
而實在高情雲屬陰德耳鳴宜其淳固葆真康強逢吉乃孝若
蘭摧於壯歲元瑜玉隕於中年天實難知善不獲報歿時春秋

僅四十有五嗚呼惜哉君豐於遇人儉於律已生平無他嗜
惟喜山水就圖籍文衍半臂但寫雲泉元章一船慣裴書畫劬
畢生於蠟屐銷長日於湘紈振衣千仞而逾豪過眼百回而不
厭謳吟間作著錄已多如康樂之志名山歐陽之稱集古殆能
兼之自以早年輟業恒課兒輩以勤銅槃具遵彥之餐嘉樹爲
憲之而種每有蜚雋譽掇巍科者輒勗勵之雖一第何足慰人
而十年方能樹木此又其繩繼起後後來者已君生於乾隆十
年五月初六日歿於乾隆五十四年十一月十三日配陸氏子
二曰藻曰藻將以某年某月葬于某原乞其師蔣君元龍來請
余銘銘曰

桐鄉百里桐樹千尺前輝後光君子之宅孝厥父母友于弟昆
門閭藹藹笑言温温陰陽嘯寒靡善不樹汲古引今有好斯聚

山深討夕水遠諮晨荷花洗手竹枝挂巾清游未終隲影遠謝
鯉佇波騎靈隨仙化苔岑托契松柏悅心掩此幽宅永懷德音

中憲大夫候選道洪君墓志銘

君諱肇柱字殿書一字蕙圃世爲安徽歙縣人父奉宸苑卿慎
堂公世德作求人倫著望居孝義之里桑梓必恭積恩澤之封
卿士惟月君其仲子也含章挺生抱景特立珠胎乍剖光耀已
升鵬翅方張風颺自遠祖母周母程皆愛憐之及長溺苦於學
思深入微以周易作韋絃用左氏爲鼓吹會得火炎上之疾遂
棄舉子業援例入成均復以議叙晉秩監司五命賜則三少員
方故紙不鑽新硯斯發時慎堂公方綜理揚州鹽筴事君佐助
之

轡輅南巡隨慎堂公後恭迎

聖駕蒙

賜朝珠一串晉階一級賚李平之緘帛兼及其兒聆王訓之語
言特旌其異

恩之渥也典固殊焉君更髦髦竭思徽徽表度譬力行於發矢
絜爲善於采薪問寢承親有今曾子之號臨世濯足得古伯夷
之風及慎堂公旣歸道山君兄弟五人仔肩諸務並是青雲之
器交推白首之良春草生池荆花在樹氣同沈瀼味乃醍醐惟
思貽厥之力勤彌覺孔懷之誼洽也君性恬淡寡嗜欲聲伎不
陳於前狗馬弗榮於外惟是閉心自慎與物爲春每置驛以通
賓不移牀而遠客晝晏嬰則師其敬責便了猶病其苛掩霜節
於秋原陰暘人於暑路乳糜供佛開拘律之厨上藥治人造軒
光之竈論其名流目禮陰德耳鳴所謂道義爲先文藝爲末者

非歟生平尤好山水游跡所到動輒旬日嘗侍慎堂公上冢歸
里攬勝黃山白嶽間又嘗飯僧於淨慈天竺諸名刹松光一路
白雲自香竹響四圍蒼雨欲滴往往梯苔命屐踏葉拖筇險爭
樵步之先吟到猿聲而外他如禮茅君於句曲飯香積於寶華
訪隱譙門候潮瓜步莫不煙霞獨浪魚鳥相歡有夢投林將身
人盡至化去前數日猶自焦山避暑歸也夫修德獲報美意延
年理有其常數寧或爽以君弭節於和神之國寄適於世景之
區肆樂志之一篇提養生之四印宜乎谷神常保恒幹能貞乃
天不永年地先藏魄修文之職待證之蘇韶懷舊之思徒殷於
潘岳歿年才三十有八嗚呼惜哉夫人張氏婦容婉婉聞政穆
言孝於姑妯睦於戚里痛君早世親撫諸孤耐倚竹之寒巖折
案之教其得成君未竟之志者皆夫人克殫之功後君二十年

而卒于三長錫晉廩貢生次錫泰國學生出繼為君長兄却崖
公後次錫謙候選府同知以嘉慶三年某月奉柩合葬於某原
銘曰

五常蘊智六氣資德言從古人若游歡國自行束修無愆嘉則
至心為內古訓是式繫帶承

恩牟尼耀色就日惟誠受福無極慈周願海秘啟香嚴蓮花作
供貝葉開函金雲地涌寶月臺銜風希瓶鉢影悅松杉于山雙
屐于水一帆山水力滋超塵越凡鸞嘯正清天風吹斷草掩謝
池柳荒嵇鍛春蠹欲乾秋螢易換中壽猶恡百里及半福善難
知視天永歎銘此幽宮石兮不爛

羅兩峰墓志銘

君姓羅名聘字遜夫號兩峰世居歙之呈坎村其二十一世祖

乾宗公始遷於揚考愚溪公應雍正辛卯武鄉試中式舉人有
子五人君其第四子也幼遭孤露長更博聞通書學十三科讀
奇書五千卷時揚州馬嶰谷半查兄弟開設壇坫號召賢流君
以波瀾吻縱之才值文酒風馳之會蘭言自馥松格彌高獨師
事吾杭金冬心先生畫佛畫梅皆出其指授小詩亦逼肖之又
眼有慧光洞知鬼物煩寃地下開變相之圖有美山阿寫離騷
之狀所製鬼趣圖一卷棲毫甫竟題翰已多如蔣心餘先生程
魚門編修諸作尤膾炙人口云生平游跡所經如越如楚如齊
如豫如燕趙山郵往復波路參差片席移雲孤燈召夢發余懷
之鬱勃嶠古事之蒼涼不食者武昌之魚可語者韓陵之石數
聲名於洛下爭唱檀來邀禮遇於燕臺詩從隗始嘗三遊都下
一時王公卿尹西園下士東閣延賓王符在門倒屣恐晚孟公

驚坐觀面可知所主者如英竹井相國翁覃溪周載軒余秋室
諸前輩並皆名賢碩德送抱推襟余亦得侍清談時邀光接見
其三升酒盡十丈練橫山水方滋雲煙相亂或奚童易飽於一
炙或外國購僧以千金耐嬉淋漓無所遜惜也然而一身道長
半世饑驅人海浮沉堂葦偃蹇碧草綠波之賦黃蘆苦竹之吟
溽雨歇而元蟬鳴繁霜飛而涼雁叫青苔及榻緇塵染衣腰減
帶長髮疎簪重死喪之戚過向子期之生平羈旅之年已玉伸
宣之踰紀客何爲者能不傷乎比年以來思歸綦切而質衣欲
盡積帖難償未之能行也會兩淮會賓谷都轉與君舊交寄以
資斧俾其子迎還得休倦鳥之飛幸遂首禾之願余亦主講安
定書院間裁赤牘用寫情勤每顧索郎思同旅語方謂青氈道
故白首如新豈知老洳波難斜光暝易會無一載別卽千秋能

不悲哉君夙耽禪理悉究竺墳一喝醒人勝打頭之棒十年喫飯愛折脚之錘嘗夢入一招提榜曰花之寺髣髴前生卽其主僧後遂號花之寺僧鐫印識之證漁洋之舊聞踵圓澤之往事因緣不昧智慧有徵在京師余嘗訪之琉璃廠觀音閣下向鑑王而借席與彌勒而同龕布薩森嚴屢提無悶中瓶淨契花水澄觀雖僧迦湛志於苦空釋子希心於止觀弗之過已所著香葉草堂詩一卷一株柏樹祖師之意可參萬本梅花處士之魂斯託余喜其天懷刻露神詣幽微旣爲序而傳之外此又有正信錄諸書多識前言時呈新藻類皆怪奇偉麗鏗耀人間所惜緝柳雖勤編蒲未竟莫能寫定也至性交于傷心中折棗那之華不耀人琴之痛方深比歸而更值三兄秀峰公之喪逢此百罹又弱一个衰頽慘淡老淚飄蕭風乍急於鴛原日已斜於鵬

舍仙龕遽築家簣難延踰秀峰公之亡曾不數月遂以不起嗚呼哀哉君生於雍正十一年正月初七日子時歿於嘉慶四年七月初三日子時年六十七歲娶方氏名婉儀安徽歙縣人生於雍正十年六月二十四日以與荷花同日生也遂自號曰白蓮著有白蓮半格詩行世先君二十年卒雜佩以贈成夫子之賢彤管有貽列女士之表其貞行已詳其傳志中茲不具述子二人長允紹出繼爲伯兄咸萬公嗣次允瓚皆能以畫世其家學者孫三人以嘉慶四年十一月十二日葬於甘泉縣西鄉小胡家廠鄒超之亡作誄者四十林宗之葬執紼者數千而令子允紹等以余爲知君之深獨以斯文見託謹徵素履用表貞珉

銘曰
不隱不仕亦禪亦仙酒破詩械情生畫緣千載而後欲知此賢

身爲梅花妻爲白蓮

中憲大夫刑部郎中查公墓志銘

公諱世榮字某號松亭浙江海寧人也大小夏侯世有傳學東西裴氏代不墮僚考寄庵公業嶧山右占籍海豐生公昆季三人兄瑩乾隆丙戌進士官吏科給事中弟世倓庚寅科舉人官刑部郎中公其仲也生有至性少稟異姿人倫著稱一門爲盛天骨並秀三鳳乃名每當問禮過庭從師合席均有白眉之號輒比烏衣之遊同氣之敦怡怡如也初公以寄庵公命出繼爲叔父禾堂公後及禾堂公連舉二子仍復歸宗吾其首不敢忘反本觀乎落葉竊慕歸根時年益十七矣有覺德行自行束脩下輩生之帷圍無留目升江泌之屋月可代燈往往瘁掌同劬劬心並勵百城豪擁擅小萬卷之名吉日虔誦著拜五經之論

其學則竭才而鑽思其文則酌古而御今可謂理欲窺深辭務索廣者矣時寄庵公經營職務往來海豐津門間每以公弟世倓侍行而伯兄又供職詞館一切家事惟公任之公入窗洞開五官並用蕞蒜掛屏風之上凌雜無嫌筆札堆藩溷之間敲鐙莫已方謂文成唾地賦就凌雲但踏槐花卽逢桂樹而乃在璞之玉未獻其儲沉淵之珠先淪其寶慧凋霜夕蘭敗風晨遂以攻苦搆疾於乾隆乙未五月卒於海豐初娶唐恭人爲京畿道御史諱淮公女易中饋之無遂詩之子之宜家夙守閨箴能章婦德早卒無子繼娶宋恭人乃雲南順寧府知府諱惠綏公女溫恭表性淑慎修儀結縵三年而公病革臨終垂泣語之曰子不能侍養父母賴汝以婦職補子職且汝幸有身若男也善教之毋絕子系嗚呼苟偃猶視之目難免泫泫穆羸在耳之言敢

呼負負既而生男名曰有圻今刑部君也立孤爲難用延趙氏
有文在手比之小同恭人保守楹書護持縷抱既兼父訓并助
師資數與方名心勞于劄荻學有經術教始于折筮故當扇暑
噓寒推燥避濕度衣食之節謹疴癢之微未嘗不竹喜平安花
耽吉慶及夫肅名師而煥講延佳客而留餐又必使才備九能
徑開三益而後乃安斯寢有晬其容迨丙午有圻以金川軍餉
議叙郎中已未補刑部湖廣司恭人於服政之初申慎官之訓
謂民命至重法三尺而毋頗謂罪疑惟輕名七家而可黜是以
有圻文能無害刑必有常同僚稱之庚申派充

實錄館分校官辛酉與修

宮史復充收掌官方領秩於白雲更參華于彤管揚文伸以經
收效實慰母心劉休徵因史名家能成父志於是恭人始欣然

曰吾今可以告無愧于地下矣以嘉慶辛酉六月疾終京邸距
公之卒已二十六年子一有圻孫五人天保國保佛保龍保恩
保有圻將以某年某月合葬于某原龜兆既符魚書有逮而乞
余爲之銘銘曰

君仍世以學顯而君獨不昌於文何才之博而遇之屯有子兒
家惟詰配之勤一髮之繫而後來之振振不泐之石傳其人請
億萬斯視此墳

資政大夫候選道汪君墓志銘

君姓汪氏諱勳字碩功號漱石徽州歙縣人唐越國公四十五
世孫也冠蓋之鄉推其右族神明之胄鬱爲鼎門高祖馭倩公
以業嵯始遷揚州至祖松溪公敦本尚實穆行著聞生子二人
次贈資政大夫觀侯公卽君考也代不曠僚家能傳禮羣從會

食並高親睦之風四世寓公不染繁華之俗而贈公壯心未遂
恒幹先捐生君甫三十九日而卒君未奉過庭之訓已成失怙
之悲當數歲時自念人皆有父繫我獨無請之母方太夫人母
泣告之卽已傷心乾蔭痛念天明汲郡圖形修其定省之禮隴
岡作表稟之聖善之言此則烏鳥之私徵諸孺慕枯魚之泣動
於性成者已及乎勵志東修砥行育德上承祖訓入奉母儀體
傳視之心而用之治學習九熊之味而益以劬書杜氏能得其
寶田榮公共稱爲德器卽至權衡禺筴出入羽鳩亮金心之在
中守石質之經函子敬定倫札之分有慕古人懷仁處季孟之
間用敦夙好是以上流借其前箸當局賴爲先籌而乃滔焉不
居抑然自下甘反虛而作塞寧急病而讓夷履虎踐冰畫成黃
蘗之館凌霜貫雪旌此青松之心所謂和調不緣溪盜不苛者

非歟乾隆庚寅春恭逢

高宗純皇帝巡幸天津迎謁道左

恩賜御書墨寶豐貂文綺諸件辛卯冬

皇太后萬壽恭備呈設赴京祝釐蒙

恩賜宴同樂園賞克什烏他又

命入內廷瞻仰蘊真齋淳化軒西洋座落諸勝重恩優渥蕃

錫屢邀錦被七襄樂聆九奏雲霞在頂捧出

奎章金碧當頭親游

帝所臣之幸也榮何如之方期矢報高深勉輸涓滴幸銓曹
之注籍冀鴻序之効誠乃驛路方歸虞歌已唱抵家不半載賚
志以歿哀哉君生席華滋居安淡泊無聲色狗馬之好有丹鉛
枕藉之娛書畫之船泊於戶外花樹之法修之門中義則重于

崇衡色不加之臧獲初松溪公敦崇族誼以居歛者尤繁衍每
遊其貧不能自給者簿錄之按月授食咸賴以生君踵而行之
數十年如一日陸廬江之門戶有待紀綱翟光鄴之宗支與均
豐晉故歿之日莫不哀涕熒睫痛哭失聲君母方太夫人守志
撫孤上事兩代凡二十九年而卒閱兩載得請

旌表建坊入祠巴貞婦之懷清光生丹穴定夫人之得謚榮被
養堂人以爲母之賢尤以見子之孝云君生於乾隆三年八月
十六日卒於三十七年八月二十日得年三十有五娶張氏授
資政大夫芳貽公女也夙嫻四教長副六珈誦女師之篇肄其
德象奉先姑之訓稟若神君當祝嘏相以來則言無出梱及稱
未亡而後則力仗持門時乃契契孀婦呱呱嬰穉搢撐竹節辛
苦茶心獨能坐少廣之宮掌北門之管網彌渠於有階抽獨繭

以爲綸業振益牢人忘中相故公子承璧等俱承指畫親受言
提邀

恩命於

九重振賢名於萬口行管馬鬣則陰茂松楸憫恤鶉衣則惠行
桑梓繼前人未纂之緒爲後來畢殫之功可以慰臯復于三招
告亡靈而一笑蓋後君三十年卒卒年六十有一子三長承璧
賜五品銜娶張氏繼娶吳氏次承基運同銜娶徐氏次承塾侯
選員外郎娶張氏女四人孫九人承璧等將以嘉慶九年八月
十六日合葬於揚州甘泉善應鄉胡家莊之原來乞余銘嗚呼
善信可爲廢流敬于百世死則同穴願從游乎九京銘曰
烏聊舊區汪固來葉生是德人光茲宗牒采善若菽制行如銅
守已則約推人以豐

恩命自 朝淑問在野榮流錫鑿惠廣庇廈嘉耦曰配入門其
昌從姑授室翼子肯堂公算宜盈而得中壽母教在勤克光遺
構鄉名善應期惟吉蠲幽局斯闕貞珉永傳

奉政大夫刑部郎中趙公墓志銘

公諱繩男字來武號緘齋武進人世居觀莊至兵部公諱繼鼎
者以進士起家始入居城中戶部尙書恭毅公乃公之曾祖也
里名清節不改晏子之居笏是甘棠遠哉魏公之澤祖熊詔翰
林院侍讀考侗敷浙江鹽驛副使道並皆克融世哲益振門功
公兄弟三人長駿男次觀男公其季也生異常童讀有宿慧以
副使公官浙隨侍起居才佐羽鳩事無所滯弊剔淄蠹吏不敢
欺然公志在亢身功加焯掌自謂龍工而在弱水易踰牛耳親
操強臺可上不謂楚璞竟遭其三刑秦布無望乎再懸蓋自副

使公暨妣黃恭人相繼殂謝遭家不造觀閭實多無角無牙速
之雀鼠之訟子日子尾痛甚鷓鴣之詩公感門祚之衰零仗功
名之振奮乃入貲爲郎補戶部雲南司員外勾稽必謹出內無
私見知於馮英廉公秩滿遷刑部福建司郎中時聞有叛案脅
從者衆議者欲連坐其妻子公力爭之得免崔仁師請易十命
不惜此身張居翰能活千人但更一字凡慎乃庶獄矜及無辜
雖居白雲之司不峻金風之氣西漢重仁恕椽東里稱慈惠師
殆其然乎侍郎錢文敏公欲舉公最或病其無口才文敏曰君
子欲訥于言而敏于行果其守口之如瓶何必飛言之似雨乎
旣而終不果舉公亦處之澹然大節無忝于平生好官已思之
爛熟蓋其宦情久淡天趣彌高方冀懸車何憂失馬迨至截取
以知府用公因不耐繁劇引疾去官覲之之歸布帆無恙甫里

之返茶竈猶存在時所謂構譽百端者亦復視若飄雲過同流水而周恤族里敬念宗祊推水源木本之思展孝子仁人之意以恭毅公專祠爲副使公出貲營造而未得配食遂于祠旁另闢趙公家祠以時祭享銅川六世屬在太宗石慶一祠別稱齊相不愆于禮以荅所生人皆稱焉又兵部公之父發祥之祖也有讀書處曰藝蘭取四丁未格建造及公修復如之室用陳經不改庚子之日居因近埭還仍丁卯之名其奉先型恭祖舊也如此當是時也投簪未老匿跡在陰一畝之宮絃壺雜置數椽而外花藥並蒔往往扶竹人來負瓢客至貯毘陵之酒而賢聖必待其評鬻陽羨之田而圓方以充其供迎賓驛者數千里辭朝籍者三十年雖或白髮欲盈豪眉易秀而秧蓑抖擻苔屐拖抄盛論倉箱高談稼穡自謂勞野老田夫之席人羨有香山洛社之風落落乎遠理其諧奇懷獨賞也已尤復歛情冲素尙量恢淵衣不變裁再浣而無斃財無常主半面而可通嘗爲友人負累有至膺仕而不償者終置不問若已所貸於人必盡庚之能炳質錢之帖不營避債之臺卽家中落勿悔也至于鄉曲之爭蘇援不少後起之秀獎借尤多雖童僕而言語必勗其和雖履屣而位置亦得其任以故慕之者莫不指宿處而思有道臨酒坐而念車公又豈特絲繡平原屏圖白傳而已哉耄期旣臻梁陰載缺以嘉慶八年五月二十二日卒于里第年八十有一配葉宜人先君卒事具洪君亮吉神誥子二人長懷玉內閣中書改山東青州府同知次球玉國子監生孫八人余與懷玉同宦京師長貧日下乞米之帖屢敏乎比鄰游山之詩聯吟于休沐會其分刺東郡余亦歸養西湖別甫二年遽聞公之歿而懷

玉遂以奔喪返矣感哲人之云亡羨賢者之有後今懷玉等將
于某月某日合葬於黃塘鄉之何家邨以狀來乞銘嗚呼青眼
曾邀易愴天涯之弔鶴白雲在望空歸海角之哀禽銘曰
維恭毅公杖節吾杭清踵忭鶴澤留召棠奕奕曾孫爽鳩是職
刑惟祥刑德乃陰德邾好棲遁孫賦遂初施政于家自親而疎
生我以穀死我以匱終始乃心永矢弗告我爲杭人恭毅之民
公實孫子如肺腑親公德克承我心載慰况公有子同我臭味
公歸可企雲高在天此德不沫吾銘亦傳

孟恭人墓志銘

嘉慶三年余主講揚州值李君逢春來攝郡篆清風入誦甘澤
興謠廉春羽於桑郵割秋荼於棘戶孝經一卷用代韋絃政要
三條如陳圭臬竊謂甘泉畫像不忘法衰之遺官禮傳書乃著

宣文之號賢如太守必有自來也既受代去不數月遭母太恭
人之喪陟屺之痛方深歸窆之期斯卜介其宗人教授君保泰
以狀來乞余銘余受而讀之始知恭人體季蘭之姿稟先姑之
訓達恭儉均一之旨肄德象女師之篇居齋而安奉榮惟約其
所以養成令器者蓋有道焉不可無述已按狀恭人姓孟氏著
籍漢軍仍世仕族年二十一歸贈君詠菴公爲繼室善心爲窈
而娣姒以和祥女入門而僕媪皆喜既容既德宜室宜家時韓
太恭人在堂以行義之桓發得扶風之子婦姑恩製曲潤灑慈
雲女誠裁章誠通孝水晨見升堂之乳夕聞隔戶之棋憂以萱
忘寒惟竹倚燂湯緝典上履修儀凡侍奉者幾三十年如一日
焉初詠菴公因先世占旗籍爲護軍會裁汰民人入旗者改宛
平籍旣歸戶版并歇身糧八口常飢數椽靡定恭人茹牛衣之

泣銜雁戶之悲折著代簪牽蘿補屋荒雞夜半刀尺猶聞深雪
天寒樵蘇不爨莫不拓艱難於棘手貯辛苦於荷心而舉案之
風無違夫子折藁之教用啟後人內政秩然闡德斯諒天剝然
後復驗之碩果之爻塞極必通兆始蒙泉之象自太守困鱗得
水健翮乘風兒寬因從史知名江革以參軍見賞大江東去仙
鶴南飛畫舫遙迎板輿親捧雖頻年冷宦未改儒酸而一路順
風早看帆正迨至雷封報最露冕行春張孟遷階上壽北第汝
南持節侍被洛濱可謂榮矣乃恭人轉曰致養之隆彌怵思謙
之訓往往觸撻前事追念故基蘆被寒多糠燈燄小未嘗不淚
涔涔行也是以太守每歷一官必以平反爲勗每進一秩必以
盛滿相提凡野矢音則惠行彫劫貪泉示戒則潤謝脂膏要使
由水旌心蒼生飲福而身被九升之布日餐小甲之蔬整設

清澄觀花水受持千偈身前已證淨因生活萬人膝下亦稱佛
子非所謂緣兼福德行備孝慈者歟宵魄寢輝秋霜告肅感林
柯之薦響傷慈竹之落陰以嘉慶三年九月十日歿於揚州行
館年七十有七

誥封恭人長子逢春江蘇海門直隸同知陞徐州府知府次子
逢年候選州同知將以明年二月扶柩北歸葬於某原禮也嗚
呼故里言旋賢墳永式風吹斷杼堪尋孟氏之鄰心慰寒泉待
述瀧岡之表爲之銘曰
亮哉母儀稟自婦式健乃持門柔能盡職姑慈以甘娣下以色
含德之英爲中外則匏有苦葉樂有困鱗衣單耐冷屋破棲貧
落毛紡夜空瓶汲晨撫今悼往咀酸吮辛苑枯豈常蘭玉蔚起
雀郊導輿班昭就子齒破在公饘蔬約已福不唐捐善有餘喜

勗躬致瘁懷恩實多哀纏邗水淚溢江波落日桑梓寒風薜蘿
形管有焯玉版不磨

湯恭人墓表

恭人姓湯氏名松小字松姑內閣中書舍人上選公女前刑部
郎中今知揚州府事魏君成憲之原配也華標胄緒柔協罄絲
肆窈窕德象之篇工織紵組紉之事久已父書能讀女誠先修
知府君其中表弟也誦毛詩九紙見賞於叔明下鏡臺一枚有
同於溫嶠載歌鳴雁信美河魴催粧逢小雪之天却扇在明星
之候三商禮重一秣心齊時恭人年二十有二也上謹尊章之
奉俯諧娣姒之歡酒介春祺旨謀冬蓄家人占其無遂季女詠
其有齋脂澤不施縞綦彌樂至於紡輓助讀鏡檻邀吟不是詩
人能書春月偶談雅什可想清風愛玩宜甚於高柔寄答亦深

於徐淑胡天胡帝百年偕老之心采采采藍一日三秋之喻佳
耦曰配斯之謂乎然而禰佛幢前六時頂禮淨居室裏終日長
齋繙貝葉於香爨獻蓮花於燈席蒲團冥坐蕉水澄思慧業前
生達觀一切因知性同簷蔔證般若而彌馨身是優曇可閻淨
而偶現者矣迨知府君名膺春選秩領秋曹締西笑而迎來效
北征而賦往長風五兩遠路三千極派煙波重遠鄉里佩瓊無
恙喜同齊女之申釣竹相思愁繫衛姬之楫甫作並巢之旅燕
已成出骨之飛龍落葉紛從采蘋奚及蓋至京甫兩月而卒年
三十有三時乾隆丙午閏七月十有四日也刺左思之嬌女耳
耳亦佳念安豐之故妻卿卿安得知府君長年感逝一賦傷心
惜別歌離記共牛衣者幾載停辛佇苦賴操齋口者十年乃纔
翟友新而困藜已據倚袖空留乎修竹返魂莫問乎獨桑嗚呼

痛哉後十年嘉慶戊午知府君來任維揚適余主講於是酒間
燈下每話及之邗水溝荒如流嗚咽瓊花夢斷倍感飄零深懼
閻德不彰乞余為墓道之表嗟嗟俸錢十萬齋奠曾營元壤一
抔松柏已長讀其哀詠可刪蒙楚之篇鐫此幽碑合是鬱林之
石

有正味齋駢體文卷二十三

有正味齋駢體文卷二十四

錢塘 吳錫麒 聖徵

傳

候補訓導馮公天巖傳

公諱達文字學海別字天巖廣東欽州人考增廣生憲萬公德
高里門聲雋鬻舍農桑十畝卜揚子之廬春秋一經精賈氏之
學公其長子也生挺殊姿幼蓄奇慧無雙稱於天下十二可為
人師將冠補博士弟子員每試必高等逐食餼上庠豫章郡學
績之冠乎同門洛中秀才叔開推為第一時劉公圃三程公巨
山視學此方具知人之鑒有國器之賞焉若夫純修是踐穆行
克敦知之為知務求學問之實孝乎惟孝出以性情之真每以
義重三旌利輕一羽揮金有公業之雅鞠稚同士麟之心其濟

物也率其恢台其篤心也本其綢直至於孝侯射虎白額消聲
巖叟除偷大房毀跡仁者之勇公又兼之德必有鄰教尤無類
樵蘇不爨聆清談者永朝戶限欲穿問奇字者幾輩然而名豐
於世遇齋於天癸已貢於鄉歷署開建臨高花縣教諭槐花屢
踏一第何足恩人瓠葉可陳諸生以時習禮慣住打頭之屋不
爭束修之羊經義流昌齋規峻肅時以比之胡翼之楊中立諸
人云素愛雅遊每歎奇蹟常攬勝於西山挹秀於聖湖蜀岡追
六一之風虎阜證生公之法以及高士垂綸之所真人煉藥之
臺林壑可懷薜蘿在眼蠟屐方躡直踏雲梯筇杖不支能爭樵
步當委署臨高也地在南海中自省陸行至雷州渡海必月餘
知達公竟攜襪被直揭雲帆爭綫路於厓門狎銀濤於大壑明
生夜落赤日朝生金翅開晴陰霞解駁魚龍叫嘯雜以天雞島

嶼浮沉盪爲綠水公亦自詫爲奇觀也三日抵瓊管自觀察大
守以下皆驚以爲得未曾有此則幼安泛宅不無向晦之憂公
曾望洋空結凌雲之想者矣子七人長敏昌戊戌進士入翰林
大考改官主事公尺書遠寄矩訓綦嚴勉之以立身期之以盡
職修德獲報槐何必植之三慎戒必恭馬猶恐書其四嘗以祝

釐赴闕於

萬壽經壇隨班迎

駕仙韶沸地

佛日輝天竹笏櫻鞵親向康衢而拜

龍顏日角歸和野老而談留京二年飄然返里仍開家塾以授
學徒門生皆拜若諸孫交友亦視如嚴父而口講指畫未嘗倦
也自奉澹泊不齒肥甘特喜食鮮荔香蕉諸果又嘗寓天津恒

數日不食惟日飲井華水數升圍棋雅談精神不改師正住道
遙之谷但漱澗泉景道居嵩洛之山僅食樹果固已神凌紫景
體合纁霞金房可登玉賓如覲何必粒芝精餼丹石而冀延華
駐彩却老還年也哉海上之龕已成天際之棺遂下於乾隆丁
卯十月以微瘵逝通體柔軟狀若生人昔思邈仙歸顏色無異
貞白委化屈伸如常乃知繕性之功卽可以度世積行之效無
爽乎登真若公者可謂其天守全其神無郤者矣敏昌與余同
官於朝其風貌樸誠持守高潔又篤行君子也以此心知備
聞庭訓言行之錄有慕於前賢金石之文竊慚於短筆謹徵行
狀并素所耳熟者著於簡端叔度千頃之波挹之靡盡季野四
時之氣喻諸不言匪託之以修辭聊述之以風世後有表汝南
之先賢傳襄陽之耆舊者或將有取于斯文云

家蘇泉編修傳

君名紹燦字澄埜一字蘇泉安徽歙縣人寄籍揚州光公三十
二世孫也自曾祖以下至父嵩堂公並皆學富千蹠聲雋一翼
季子之風克敦其縞紵左臺之秀遞衍其馨香君采照騰辰德
修鬢歲稽甲子之籍咸誦於心陳庚子之經必肅而拜乾隆三
十五年恩科舉於鄉四十年成進士以內閣中書奏留
武英殿行走香簪紅杏慈恩之宴方叨橐奉紫荷著作之庭無
忝有光家業實炳國華四十二年復舉充四庫全書薈要處總
校官

欽賜翰林院庶吉士劉向之登天祿稱爲秘書荀勗之校中經
益之新簿蓬池研鱸郢水分醪身之榮也
恩之渥也四十三年以父嵩堂公憂去官明年生母洪太安人

續卒作孝未已致怯風吹積哀之餘乃見柴立天性純篤人皆稱之服闋還京四十九年散館授職編修充三通館纂修官五
十三年復遭繼母某太夫人之喪回籍林無靜柯乖循陔之願
處爲遠志堅誓墓之詞君自此遂不復出矣生平以經世自任
每謂踐職 清禁注名史官溫飽要不以居心文章果何以報
國故自鹽鐵之論河渠之書金布令甲之遺繞露周法之險莫
不詮貫有叙條舉無失作藝苑之韜鈴爲詞林之典略豈徒采
十道四藩之志足脩處分荅三桓七穆之文能通訓故而巳哉
家居十載行著一鄉身處富麗之區心厭豪奢之習義形於色
魚里之優不觀敝莫改爲狐裘之年可數惟道是杖枕善而居
以恭敬式於里閭以樸誠訓其子弟有傳南容之方格似陳仲
弓之平心至於舉扇障塵獨憎庾亮移床讓客爲鄙僧真又其

疾惡之如風不顧飛言之似雨也君精於鑒古尤工隸書貞吉
之編賅乎歐趙矯扁之法參以冰斯詩則以少陵爲宗顧不輕
作以爲詩無關係徒爲風雲月露之詞無益也昔王襄之藉宣
風化穎達之取禪生靈所謂洩哀樂之情頌善醜之德者其以
此乎嘗廣選諸家自漢迄明爲歷代詩鈔八十六卷繼以卷帙
太煩刪之爲金薤集三十二卷外編五卷附以聲調譜說一卷
情變所孕表裏必符刻多寶之船合萬花之舞期山期水聚千
古於一家應宮應商會衆音爲大樂不亦盛哉其聲調譜說業
已梓行金薤集僅刻二卷令弟紹浣將續刊之助以同聲不異
壘篋之譜惠諸後學可稱棠棣之碑也已君極慎起居素無疾
病年來偶患陰濕五月中病足十餘日旋即就痊勿藥可占何
求乎麥麴養生有主安用平谷神乃黃札方勤玉棺遽下雲

揮手世上傷心竟於嘉慶二年六月初一日戌時中暑暴卒春
秋五十有五嗚呼痛哉余與君爲乙未同榜士猶憶官京師時
出爲聯騎之遊歸訂隻雞之局流連酒德跌宕琴歌何其樂也
及君返里余亦以假旋之役時相往來今年又主講維揚得數
晨夕同年之面不隔於心知己之言猶在於耳不意中年怛化
前事蒼茫能不重秦失之三號發張翰之一慟哉君初娶鄭宜
人繼蔣宜人顧宜人子三人嘉樹樂鄭宜人出櫬顧宜人出嘉
樹出嗣長兄後孫三人

高鳳詔傳

余總角時交於高兄秋厓旣同井間得數晨夕樹蕙百畝足證
其好修采菽中原有如其爲善文戰屢失禪悅自就遂息初心
以後後起子三人長嗣於伯兄鳳詔其次子也肆簡肆諒之餘
佩鞮佩觿之歲亦旣觀上心焉契之迨余庚戌假還訪舊造門
與其弟攀桂出見子衿之選並雋其鬢聲父書之傳不愆於庭
對余顧秋厓而美之謂皆蘭筋已成一蹶千里者也甲寅鳳詔
舉於鄉明年正月北來時余已還京師遂同廬旅破窻風緊冷
颭油燈危檐雪深凍生瓦硯聲伊伊而課夕筆颯颯而飛晨學
如雞蹠之貪射必蝨心之貫每一藝就輒質於余見其矸軸羣
言藹奮古訓銀手如斷文已有然五汝於成吾滋愧矣無何禮
闈報罷以丙辰恩科會試留京求秋駕之方更勤于夢寐仿
夏課之例益肆其揣摩都下徽冕所興華麗相尚大酒肥魚之
社西音東舞之場獨能守枯蠹之一編避黃鸝之三請垂帷制
勝味道求腴方冀健翮高盤強臺直上而乃縣布再登而再隊
焦桐半死而半生瓊瑰之淚盈懷孝廉之船千里風雲蕩氣烟

水招魂歸次練市卒於舟中年僅三十有六余聞信悼心遺書
唁友以爲二惠競爽又弱一个豈意鶴原永歎荆樹同摧怕傷
春草之心合作秋墳之唱曾不旬月間而其弟之凶耗又至矣
嗚呼喪予祝予徒失聲於吾黨食子收子竟爽報於善人鬼伯
不仁天道難信哀哉鳳詔字麗江號心齋仁和人祖居紹興以
山陰籍中甲寅科舉人弟攀桂字傳雲號夢書應本郡試補弟
子員

汪氏二節婦傳

夫奏孤鸞之舞而觸鏡之影悲絙寡女之絲而戛桐之韻苦故
帝娥填石志喻於海矣淡女矢音心貞於木矣若夫森森苦竹
有約凌寒落落嬌雌相依共命室家再造憂患備嬰如我同年
友汪君輝祖之繼母王大孀人生母徐太孀人者尤彤史之崇

徽栢舟之奇唱也已方兩孀人之歸尊甫南有公也一則三商
却扇膠乃麟煎一則五夜抱衾與先燕構倘使此也挾以小凌
大之嫌彼也存以新開舊之憾嘻嗚寡吉靜好奚言而乃蒨是
同功樹稱交讓藁枯山上同占破鏡之期荔枝江頭不妒側生
之種簪之少室爲高高之佐命大瀛包勿海而成淵比德儷心
合愛同敬嗚呼美矣然而在璞之玉匪遭則則不珍欸冬之華
必經霜而始耀乃白刀環望斷金玦寒生寄公之席未安仙尉
之柩已返天荒地老月苦風酸恨欲摩笄身將化石此又青陵
之夢拚隨蝴蝶而飛麗玉之哀不待篋篋而奏也徒以白髮在
堂黃口在室屋牽蘿而待補袖倚竹而忘寒曲紀姑恩禮成猿
抱惡笄露紛偷息將雛齊縷秦箏同心作苦血隱湘娥之簀淚
穿鮫女之珠搜盡篋而蕭然問楹書其讀未一燈欲燼四目相

看剖榴房而子亦酸多人藥店而龍真骨出天平已酷人何以
堪而况豆泣燃其穀飛爲蠱讒人之貝錦交織蕭牆之風鶴皆
驚生值不辰癡難醫叔視同舟爲吳越處一室若參商從牧豬
奴以遊難填欲壑在未亡人之側幾覆危巢議者或謂遷地爲
良或謂越境乃免不知蒿火暴怒而隱而戢之者之有其時也
漏脯止飢而隨而禍之者之爲更烈也未必身居苦縣絕少回
甘就令逼上諛臺安能逃債敢陳大義敬謝高賢今夫處困而
亨者清陽之運也返枯爲苑者富媪之神也雖傷弓之鳥曲木
皆驚而食蓼之蟲苦心能久於是蚤因驅走齒藉唇存如上下
絃相應者單鳧寡鶴如左右手交襄者菽字熊丸擔有千鈞孤
才六尺心定于水節高若山一旦擢蓮葯于青泥扇蘭芬于丹
谷燭龍銜照蠟鳳飛空支大厦于不傾得一夔而已足今而後
喜可知已獨是當風暮樹靡有常寧銜索枯魚幾何不蠹老何
心而獨活萱無種以忘憂汪君每泣語從前痛深罔極蓋徐孺
人怛化之日華譚猶是秀才及王孺人解脫之年杜顛纔登進
士烏啼子夜猿泣庚郵負米之願難償視箠之悲彌切得毋嘆
死而食報而報亦終虛生不升榮而榮將易沫也乎不知婦行
有四而德永於貞不朽者三而名歸於實故行義表問桓發見
稱懷清築臺已婦有耀今則輜軒揚聖善之化
朝廷下綽楔之詔翰墨表于摺紳之倫芳烈騰于里巷之口斷
竹續竹幸白首之全歸大孤小孤共青山而不改慈雲欲活寶
月常明視彼金珥鑿蟬綸衣畫雉者華顯一致而久暫殊科不
可同年而語也

祝貞女傳

貞女姓祝氏海寧之袁花里人庠生維馨之第四女也生而淑
慎夙簡笑言季蘭之姿有齋傳其敬靜女之德其妹表其徽稍
長讀書能通大義中表所則善習禮儀篇什兼陳惟取德象不
矜柳絮之詠有慕女貞之辭業已志喻清霜心盟白日及笄許
字海鹽徐生杼生績學士也河魴節詠堂雁脩儀方將佇天桃
之九華候標梅之三實而破窻風雨鐵硯空磨早歲龍蛇玉棺
遽下沉疴莫救中道云徂訃至父母以女性烈秘不以聞豈知
瓊瑰盈懷遂徵干夢白蜺嬰茀如俟乎堂信諸冥冥之靈矢茲
噉噉之節牽絲繫恨銜石填冤兩字懷清隻身赴義蓋其歸於
徐也年二十七距生歿三年矣修文已去空牘書唯露紵而來
爲共圍主奠棗栗之贄婦式無愆承滫髓之歡姑恩有曲果使
壽護難老慈竹恒留同敲隔戶之棊不輟升堂之乳亦可相依
其命稍慰孤棲無何姑復病卒既將其荼又集於蓼天只人只
將之死而奚辭叔兮伯兮與久居而不可我辰安在實命不猶
徒以縷抱猶虛望周莫卜聊析旁風之產其分下澀之田或者
一木之能支庶幾九原之可慰於是淒淒紙帳燄燄糠燈爐謝
蕪于寒晨筆捐揮于暑夕貧家力賤巧婦炊難鍊指生皴剝心
貯苦天邊別鵠如咎乎機聲箔上春蠶亦肖其愁狀每至明星
有爛荒雞既鳴首飛蓬其未眠目鰥魚而常醒身之瘁也志之
悲也而乃七陶八冶遍歷愁辛五角六張偏多舛午烏烏之傷
心曷極鴿原之急難安期彈孝水而將枯呼首山而莫諾加以
覬生竊藏慘肆摸金登巴婦之臺空其丹穴傾柳家之篋化去
銀杯徒勞營地之心莫馨呼天之恨然猶以珠能再返蚨可重
招冀尾段之償吾亦眉頭之伸我無如勞商更唱靈宅先虧犀

不鎮心龍真出骨屋牽蘿而莫補袖倚竹而徒寒斯則桐只半
生藥無獨活也已嗟嗟剝蝕太深雖金石而亦敝凌兢無已卽
松栢而終凋况此十餘年來雪虐風饕手經指挂思所以安亡
靈謀幽壙者一空於盜再耗於病迨餘生於短日盪危魄於孤
雲熒熒一身茫茫此絳有不口如銜闕賜若涸湯者乎迨至疾
已不支形幾欲蛻賣珠之婢既遺築楹之書可焚猶思壽座爲
營葬計復以衆尼之不果蕉心抽盡而生意難回鵠血啼殘而
春風已去由是水漿盡却種雪無吞黃絹題詩朱絲畢命凡絕
粒八日不死遂自經而絕年四十三歲嗚呼尸寒陰氏徒留粉
壁之書骨委王家誰檢皮金之字哀哉古有矢靡他之節振獨
秀之風或化石而稱貞或磨斧而示烈要皆明襄陰教冥踐義
途若夫輪渺三周劍酬一諾菜菖之歌無及菴菴之草永傷既

誅

原任漳州太守徐公竹村誄

某年某月某日原任漳州府知府徐其善卒於貴州銅仁縣故
里嗚呼哀哉維乾產嘏維坤毓珍道瀛燧化德粹納真祈融世
喆以福顓民寥廓翔翔大命倏謝棠幹凋晨珠輝隕夜芒芴潛
形希夷委化嗚呼哀哉虞淵身迫白雲莫追含辛曷厝懷悲蓄
思洪跡無已表之素旌其辭曰

銅厓之秀月鏡之靈谷頽騰藻巖華散馨七世壙僚俊又實生
如玉剖璞如珠發瑩望歲能言結髮勵操至心爲內孝乎惟孝
茂德棲音朗思沉照牙琴啟彈由瑟易調目見登心神研悅貌
懷今孰希餐古獨笑樵蘇不纓枕菲彌勤飢能煮字貧乃市文
鑽燈散裘剔蠹稜芸思樂泮水言采其芹呦呦鹿野亦食其萃
從我白屋登於青雲雷震百里權輿厥勲岷山盤盤劍嶺峩峩
蠶叢閣道螺女江波飛鳥仰接吟猿俯多黎風莫洗蠻語承訛
文翁下車詩書化俗後舞前歌左餐右粥庭有懸魚戶無佩犢
鳧以歲遷鵲不日浴湛然懷清凜乎慎獨誠斯感物才以匡時
惠聲雨及薦牘風馳以牧以守棠陰不移一錢或選千樹無資
法謝茹荼綱解凝脂名無赫赫去乃見思潔已澤民以康二老
廉泉自甘仁粟斯飽養勤純志慕展孩抱逮乎作菴風吹欲倒

生事死葬罔極維吳終制而起爰蒞臨川橫秋坐月玉茗吹烟
靈谷之山豫章產焉翹材登質迺芳沐鮮儒紳雀躍維太守賢
閩嶠鳴張赤嵌蜂起塵躡候蹄渡號平蒼兕轉粟百萬挽芻干
里衆沸若麻乘定如水往昔金川具資經理今者之役合轍同
軌勞闕幸王呼無庚癸事歲而思厥功益偉維

帝念才乃荷

殊旨移任漳江實維器使雲路方長慈航頓艤如陣聞金訕然
而止衡茅偃息仰賴

生成攝心儒術返策書城石墨驅歲湘紈送齡花資夏色葉翫
冬榮烏蟾代謝棖棟以傾委華孤世背景藏靈嗚呼哀哉河導
源長椿培本厚德積於身農鍾厥後卞氏六龍翱翔雲藪循風
振鱗仰流驤首觥觥長君學粹道醇魚先跋浪鳳自鳴春木天

簪筆烏府紆紳念我 迺庭稟訓諄諄以我同譜子妖謹均得聞
緒論兼覲光塵龍門不遠芳徽竟淪嗚呼哀哉遠嶺嗟峨荒波
瀕洞雁字縈悲魚書纏痛執紼無從摧絃致慟敢薦生芻望停
雲韉

馮師母陸恭人誄

夫四星炳符在天垂須女之紀六德觀義以南肄夫人之詩要
惟總芳矩於佩形體崇規於篆素故能踵跡前載延光後來維
我師母陸恭人者孟亭夫子之淑儷也徽徽載凝柔嘉允蹈禮
不愆於內則家自守其荒莊薄華鈿之飾容結瓊璫而表度善
心為窈應流苒之風靜女其姝稱歸黃之美相我夫子宜其家
人嘻嘻不形吉乃占乎中饋媿媿自好歡靡失於威姑門庭常
覺其春多婢媪亦分其冬愛然而藁砧念遠須捷樓貧空倉之

雀方飢束修之羊不至釵恒摘髻費且傾奩詩有盤中言無柵
外陳其俎豆修季蘭尸祭之儀慈以旨甘謹儒門事親之禮所
謂虔恭內政榮曜中閭者非歟及我夫子入承明歷清要琴瑟
在御井臼彌勤料理米鹽營操量鼓儲收薑蒜不挂屏風被浣
濯於翟芾之餘甘穠糲於膏粱之日華悴一致欣鬱兩恬是以
白首相莊可山可買仍製隱居之服彌高林下之風挽少君之
鹿車不忘前事陳大家之女誠脩述先賢雖復桂樹齊芳鳳毛
競美或建屏藩於江國或標聲望于木天而矚矚焉抑抑焉曾
不知其身之榮也闔德斯崇福應宜厚奄收世跡遽散慈雲於
嘉慶元年某月日卒於里第春秋七十有九嗚呼哀哉金護萎
華寶婺沉耀朝飛之雉和莊缶而增悽夜泣之烏漬萊衣而成
血錫麒麟門卅載有愧崇宣京國頻年兼交軼轍得究寒淵之

化具聆聖善之徽敢托素旂作為斯誅其辭曰

惟芝之英惟玉之榮懿此淑質含章以貞生自名門來歸鼎族
祥女宜家王母迓福事我天子貽其德音紡車夜曼繭紙朝吟
煥講謀酒貫書典簪千秋對面雙祿共心從官長安是尸中壺
二白佐餐二紅治飯論主儉先道憂退晚陌上花開山中雲返
昨歲夫子鳴鹿重歌榜經周甲記羨登科權迎歸權聽話大羅
早年 禁苑中歲烟波君子偕老其樂如何胡天不弔頓失貞
柯嗚呼哀哉上壽將臻化台已築雪翅飄鸞仙音替燭黯黯蕙
幃蕭蕭松谷柱誌穿中衣迷臯復珩珮莫聞瑤儀空穆情惻淵
塗淚枯竹木嗚呼哀哉

祭文

祭賈東皐先生文代

嗚呼爛繁星以昭夜兮揭卿月之孤光受金法於風后兮躬耕
矩而爲方神默凝其梗梗兮義鏘聲以瓊瓊朝驂余之鳴鳳兮
夕將騁乎神羊嗽沆瀣而折若木兮盪浮雲而上翔閼元宿於
辰尾兮焱回回其孔揚惟夫子之韞靈兮齊崧高之駿極降鵝
冠以瞰詞兮曰謫自陳芳之國沐日浴月以生百寶兮華裾襲
而翠織雲泥奮其怒霆兮洩萬古於胸臆引謨觴而斟酌兮蘊
二酉以娛其矰弋內純終其領間兮外神禪而無節循軌度之
汪汪兮亮蘇世以爲德方河鯉之跋浪兮條尺木之階升踵柯
亭劉井而揚翠兮宛躡蓬島而上登鍊寒清以爲質兮洛乎埒
實於條冰照春坊之寶字兮嗣蓮鐔之稜稜試畿輔而奏績兮
岡陶誕突盜之不懲宗二星其彪列兮爰俾子衛爲之丞逮升
華於烏府兮知非堯其莫勝絲以漚而愈潔兮鏡乃磨而益澄

終保全而牲植兮賴

聖主之出矜肯謝妄而撓颺兮惟心署其兢兢念雅聲之遠姚
兮嗟時俗之瓊酌工蒲葦之柔從兮不能利歧以自潔故君子
之用世兮恒繼墨之先設準六經爲淳制兮庶齊度于先哲奏
七始華始之和音兮非蠅咬之取悅也涓衆夔而選休成兮嘉
蘭若之可折也信閉門而造車兮行千里而一轍也派浙江兮
湯湯望吳山兮將將再三留兮使節往復照兮文昌始董衆而
總燮兮羣傾葉而晡陽及慶雲之將返于霄漢兮又因風而回
翔紛鸞鳳之萬舉兮翅翩翩其相望豈禹行而舜步兮徒修禘
而亦章府然若渠匿隳枯之於已兮廼宗原應變之各得其方
愧季材之玷乎大匠兮眇朱儒之爲柱告緇惟以春及兮復申
之以化兩身非顏而受鑄兮敢以卓而鳴苦瞻梁木其帶電兮

將于鼓而于舞胡殷奠之在楹兮謂廣桑待而爲主兮恒幹之
永藏兮貞大壽於終古耿丹誠其不沫兮結還雲之縷縷感絲
竹于平生兮靈放憑其在戶託旨酒以布蘭生兮幸鑒誠於芳
杜嗚呼尚饗

公祭座主稀相國文

嗚呼表世系於宰輔首臬益之選虞究韋蕭之甲族比歐宋之
前模奇雲鬱於泰岱靈瀆導乎崑墟高掌遠蹠開德宣符藉流
潤於帝鴻之視而展采於皇羲之圖胡豐霄之感蔭乘箕風其
已徂維我夫子秩秩大猷番番黃髮德喻耳鳴功不口伐以表
圭璋以澄冕笏其宣諸政也九蘭萬物若甘霖之降乎天其炳
諸謨也焜耀八區若朝陽之麗乎闕蓋台垣之象斯章亦柱石
之功惟屹也洪河浩浩入目流沙勢危竹箭信警桃花躡先臣

之藁蕤奪赤子於龍蛇鬢巨浸以導牧廝支渠而降窪趨江討
近就海規遐神通冥漠怪歛鬚牙大之滙千條以歸湊小之引
一髮以盤挈昔者鮫室今也菰家昔者塗潦今也桑麻凡所謂
放淤刷淺滾水盤車莫不可補河渠之志又何必誇博望之槎
大贊綸扉曰忠曰敬味洽鹽梅音諧笙磬人愈貧事紛益定
舊前代之舊聞廣詞林之新聽羣傾耳於下風恍金春而玉應
回念築楊柳之衣夢芙蓉之鏡科名經甲子之週人端極午喬
之盛固已殿僅靈光輅惟顯慶憶舊雨而凄然渺流雲之無騰
然而晏開千叟則諸老樂為比肩筵啟瓊林則後進引為同年
盡長日月班領神仙冰襟塵外雪鬢花前禮有殊於百職
恩獨沛乎九乾登軟輿於春苑畲異藻於薰絃凡羣工所不敢
希其一遇者而夫子乃含甘吮滋習習然屢被其榮焉亮壽木

之延年卜霜鞋之耀久溯力墨於軒庭數雄陶於虞友謂可左
彭右佺輝前光後何以苦掩樞鈴魄寒珠斗悲雨灑空哀風鳴
隔桑八百而歸無牘三千而奏有

皇上飾終禮厚眷舊情加降 帝子以真醜賄金錢而郵家襪
衣表渥貞石錫華方將巡澤而重甘棠之笏奚止臨池而愴綠
沉之瓜某等日侍龍言親經孔鑄冬愛常留春風已去悼殷奠
之坐楹感虞殞之卽路既皆哭而失聲永瞻梁其有慕往日傳
衣何年種樹庶幾治王屋而主者重逢或幸證廣桑而尺書相
付

為同年公祭胡恕堂先生文

嗚呼夕照馳而梁陰缺春風歇而棠蔭遷亮立德之不朽胡粥
壽之莫延飛鵬之徵預憂于庚日白雞之兆乃應于酉年絮越

酒而屑涕囊牙琴而輟絃悼星精之實地速雲馭而徂天當其
下董子帷坐崔生室飽于蹠而未已荅十問而無失讀已等身
吟或擁膝穿壁引照結匡鼎之隣解經不窮據戴憑之席及夫
咀徵含宮陶精鍊質金石畢宣雲霞橫溢又足詫君苗使焚硯
駭王朗爲閣筆也孝廉船歇首楮盤供問字之酒常繼束脩之
羊亦豐射瓠葉而習禮舞鷺翻而爲容光風扇人勝木舌之相
警洪爐鑄物知金心之在中守齋甕而得味押書堆而豈窮既
而百里牽絲一行作吏園春樹之新紅拭秋桐之落翠裁澗狹
而無害設圓方而並肆庭化一泉戶足五特顧建康如醇酒盡
得人和王汝南問大魚要由德致亦何異鄉號更生碑稱墮淚
有仁人聲得賢者意凡居官者幾及二十載計陰行者何止三
千功崇蘭發乎階砌文杏倚乎房樞君家養炬今自土龍斫蓬

池之膾騰御史之驄九苞耀其鳳羽

三霄降其鸞封而先生雅賦遂初遽高引退邱壑暢乎素心功
名付之兒輩筵橫夕琴門聽午碓水落堂陰峯圍屋背呼挈楹
之小奚課引泉之阿對十畝翻桑一畦種菜竹移醉後之青松
表古時之黛將魚鳥之與偕尚詩書之不廢至于睦族屬崇房
祀匡困而資無掇生而匱死收未償之券炳若飛蓬聞可拜之
言從如流水雖復積資易匱應物亦劬而律身則霜儉効義則
風趨鄴太五百頃田食恒不足全悰數千斛米散輒無餘此又
宜廬有上仁之頌人多佛子之呼者也白太傅仙龕已成辛彥
之新宮有待證位于極瑤之天游魂於紫泥之海將湛寂其神
明乃韜潛其精采小敷山下之路清唱都遙少微天上之星餘
芒安在某等典型是仰德教恭承無季邕之識面有元規之抱

有正味齋駢體文卷二十四
三
膺徐州先賢合之止足之傳江都舊相眷言下馬之陵椒蘭用
薦馨香告升白雲宛在素旒式憑嗚呼尚饗

有正味齋駢體文卷二十四

